

# EPOKA

# ERE

E përditshme e pavarur  
Viti XXI, nr. 6340  
E enjte, 17 qershor 2021  
çmimi 0.40 €

AWR  
ABBRUCH I  
VËLLEZËRVE  
VIQA  
PRONARË I  
BAGERIT MË  
TË MADH NË  
BOTË  
LIEBHERR  
980 PËR  
DEMOLIM  
I FAQE 10-11



Na ndiqni edhe në:

[www.epokaere.com](http://www.epokaere.com)

facebook.com  
Gazeta "Epoka e re"

AWR ABBRUCH GMBH  
www.awr-abbruch.de

ANALISTËT POLITIKË KANË KOMENTUAR TAKIMIN E PARË NË MES TË ALBIN KURTIT  
DHE ALEKSANDËR VUÇIQIT TË MBAJTUR TË MARTËN NË BRUKSEL I FAQE 4-5

## ANALISTËT: PJESËMARRJA NË NJË DIALOG PA MARRËVESHJE FINALE I SHKON PËRSHTATI VETËM SERBISË



Një ditë pas takimit Kurti - Vuçiq, njohësit e rrethanave politike në vend kanë folur për synimet që Kosova duhet t'i ketë në fazën finale të dialogut me Serbinë. Ata kanë bërë me dije se kryeministri Albin Kurti në këtë proces duhet ta synojë marrëveshjen përfundimtare me Serbinë dhe ta synojë edhe afatizimin kohor për këtë proces dialogues. Sipas tyre, nëse marrëveshja historike në mes të dy shteteve nuk është qëllim i dialogut, procesi i Brukselit do të jetë në interes të Serbisë



### AKTUALE



KOSOVA SYNON T'I RRISE  
KAPACITETET E SHKOLLIMIT  
USHTARAK F. 3

BE-ja HEQ KUFIZIMET  
E UDHËTIMIT PËR SHOQIPËRINË,  
SERBINË DHE MAQEDONINË  
E VERIUT F. 2

INAUGUROHET SALLA  
E GJERMANISHTES NË  
UNIVERSITETIN E PRISHTINËS F. 3

PAKOJA E PROJEKTLIGJEVE  
KUNDËR KORRUPSIONIT,  
DREJT FINALIZIMIT F. 7

### EKONOMI

## KËRKOHET ME URGJENCË NDIHMA E SHTETIT PËR SEKTORIN PRIVAT

Ministri i Financave, Punës dhe Transfereve, Hekuran Murati, ka paralajmëruar pako të re të rimëkëmbjes ekonomike. Ky propozim i Muratit është kundërshtuar nga opozita, me arsyetimin se duhet të vazhdohet të implementohet Ligji për Rimëkëmbje Ekonomike, mirëpo nga njohësit e ekonomisë është mirëpritur pakoja e re për rimëkëmbje ekonomike. Ata thonë se fokusi më i



madh duhet të jetë te bizneset e goditura nga pandemia I FAQE 8-9



BIDENI DHE PUTINI  
SHTRËNGOJNË DUART:  
ËSHTË GJITHMONË MË  
MIRË TAKIMI BALLË  
PËR BALLË I FAQE 7

ATK-ja PARALAJMËRON  
NDËRTIMTARËT: DEKLARONI  
TATIMET F. 8

KOSOVA SYNON TË JETË  
DESTINACION PËR INVESTIMET  
E HUAJA NË DHJETË  
VJETËT E ARDHSHËM F. 9



### SPORT

SHORT I VËSHITËRË PËR DRITËN  
DHE LLAPIN F. 13

**RENOVA**  
PUTZ  
Maqedoni  
Xhepçisht - Tetovë  
Gurëz-Ferizaj  
Tel: +389 44 487 300; +389 44 487 009  
+389 44 487 755  
Fax: +389 44 487 200  
Mob: +377 44 501 289  
E-mail: [renova@mt.net.mk](mailto:renova@mt.net.mk)

**PRINCESHA**  
GROUP SH.P.K.  
NDËRTIM  
PROJEKTIM  
SHITJE  
INFO: 049-111-101,  
044-511-177  
[www.princesha-ks.com](http://www.princesha-ks.com)

**Bunjamini**  
FABRIKA E LLAQEVE  
MITROVICË  
044/256-051  
044/367-061  
028/532-617  
STYROKOL · BUNJAKOL · EUROFASADË

**Kolegji BIZNESI**  
[www.kolegji.biznesi.com](http://www.kolegji.biznesi.com)  
info@kolegji.biznesi.com  
030 500 878 | 045 500 878  
044 500 878 | 049 500 878

**SIGMA**  
VIENNA INSURANCE GROUP  
SIGMA INTERBALKANIAN VIENNA INSURANCE GROUP SH.A  
DEGA KOSOVË  
Rruga "Pashko Vasa", p.n Prishtinë, Kosovë,  
Tel: +381 (0)38 246 301 Fax: +381 (0)38 246 302,  
E-mail: [info@sigma-ks.net](mailto:info@sigma-ks.net) | [www.sigma-ks.net](http://www.sigma-ks.net)

**INFINITY**  
Digital Agency  
Endrit Shaqiri  
+38344685122  
Internet Website,  
Marketing...

## Holanda i thotë 'po' Shqipërisë, pranon të hapen negociatat për anëtarësim në BE



TIRANË, 16 QERSHOR- Për herë të parë Holanda jep dritën jeshile për Shqipërinë që t'i nisë bisedimet për anëtarësim në Bashkimin Evropian. Pas përfundimit të zgjedhjeve të përgjithshme të marsit, ku partia e kryeministrit, Mark Rutte, fitoi mandatin e katërt për ta udhëhequr vendin, Holanda ka vendosur t'u japë vëmendjen e saj maksimale proceseve integruese. Vendi më skeptik i BE-së duket se është bindur tashmë që Shqipëria ka bërë progresin e mjaftueshëm për t'u ulur me

zyrtarët e Brukselit e për t'i nisur zyrtarisht bisedimet për anëtarësim. Në mbledhjen e Parlamentit holandez u diskutua gjerësisht çështja e Shqipërisë dhe fati i saj për vijimin e rrugëtimit integruese, ku u vendos të hiqet trau bllokues për mbajtjen e konferencës parë ndërqeveritare me Shqipërinë pas miratimit të kuadrit negociator. Ambasada holandeze menjëherë pas vendimit shpërndau qëndrimin e qeverisë së saj. "Qeveria holandeze bie dakord që Shqipëria ka bërë

progres në fushat prioritare si reforma në drejtësi dhe lufta kundër krimit të organizuar dhe korrupsionit. Gjithashtu, 'track record'-i ka shënuar progres, megjithëse një numër më i lartë dënimesh për zyrtarët e lartë mbetet një çështje e rëndësishme për t'u mbajtur në vëmendje. Sot shumica e parlamentit ra dakord që të mbahet Konferenca e Parë Ndërqeveritare me Shqipërinë, pas miratimit të kuadrit negociator", është thënë në deklaratën e ambasadës holandeze.

## BE-ja heq kufizimet e udhëtimit për Shqipërinë, Serbinë dhe Maqedoninë e Veriut

BRUKSEL, 16 QERSHOR - Vendet anëtare të Bashkimit Evropian kanë rënë dakord të mërkurën (16 qershor) t'i heqin kufizimet e udhëtimit për udhëtarët nga tetë vende dhe territore duke përfshirë, Shqipërinë, Serbinë dhe Maqedoninë e Veriut. Përveç tri vendeve të Ballkanit Perëndimor, në listë janë edhe Shtetet e Bashkuara, Hong-Kongu, Makao, Arabia Saudite dhe Tajvani.

Pavarësisht prej vendimit, ndonjë nga shtetet anëtare mund të vazhdojë të kërkojë test negativ për Covid-19 ose një periudhë karantine. Çështja e shëndetit është në kompetencën kombëtare të secilit shtet anëtar të BE-së, prandaj edhe në rast se disa vende deklarohen të sigurt, secili vend i BE-së ka të drejtë të vendosë masa për ta luftuar koronavirusin. Për ta siguruar statusin e një vendi të sigurt, ai duhet të

regjistrojë maksimum 75 raste pozitive me koronavirus për 100 000 banorë në 14 ditët e fundit. Në muajin maj, Këshilli i BE-së hoqi zyrtarisht kufizimet në udhëtimet jothelbësore për shtetasit e vendeve të treta, të cilët janë vaksinuar me të gjitha dozat e kërkuara të vaksinës kundër koronavirusit. Shtetasit e vendeve të treta përfshijnë edhe qytetarët e Ballkanit Perëndimor.



## Vuçiq: Kuvendi i Serbisë diskuton për Kosovën më 22 qershor



BEOGRAD, 16 QERSHOR- Presidenti i Serbisë, Aleksandër Vuçiq, ka thënë se Kuvendi i Serbisë, më 22 qershor, do të mbajë një seancë, në të cilën do të flitet "detajisht" për dialogun me Kosovën. Vuçiqi ka thënë se në këtë seancë do të diskutohet për "çdo çështje

me rëndësi për situatën në Kosovë" dhe se ai do t'i paraqesë planet dhe idetë e Serbisë. Të martën Vuçiqi dhe kryeministri i Kosovës, Albin Kurti, u takuan në Bruksel, në kuadër të dialogut për normalizimin e

marrëdhënieve. Në takimin e parë të tyre u shprehën vetëm qëndrimet dhe pritjet e palëve, ndërsa u arrit pajtim vetëm për mbajtjen e takimit të radhës në muajin korrik. Vuçiqi ka thënë se pala e Kosovës ka shkuar në Bruksel "me dëshirën për ta detyruar delegacionin e

Beogradit që t'i linte bisedimet". Ai ka deklaruar se Serbia refuzoi njohjen e Kosovës, por edhe propozimin për deklaratën e paqes. Vuçiqi, po ashtu, ka thënë se gjatë javës së ardhshme do të mbahen "disa takime të mëdha me serbët e Kosovës".

## Kina dërgon aeroplanë ushtarakë në afërsi të Tajvanit

PEKIN, 16 QERSHOR - Ministria e Mbrojtjes e Tajvanit tha se rreth 28 avionë ushtarakë kinezë fluturuan në zonën e mbrojtjes, duke shënuar ndërhyrjen më të madhe ushtarake deri më tani. Në mesin e fluturakeve ushtarake kishte edhe bombardues bërthamorë. Zona e mbrojtjes ajrore është një zonë jashtë territorit dhe hapësirës ajrore të një vendi ku aktivitetet e aeroplanëve të huaj identifikohen, monitorohen dhe

kontrollohen për interesa të sigurisë kombëtare. Incidenti vjen pasi udhëheqësit e NATO-s të hënën në samitin e mbajtur në Bruksel paralajmëruan për rreziqet ushtarake që paraqet Kina. Tajvani është një rajon demokratik dhe thotë se është një shtet sovran, ndërsa Pekini e sheh ishullin si një provincë të shkëputur. Kina gjatë muajve të fundit ka kryer rregullisht fluturime mbi ujërat midis pjesës

jugore të Tajvanit dhe Ishujve Pratas. Të hënën (më 14 qershor) udhëheqësit e NATO-s, në një samit në Bruksel, i quajtën veprimet ushtarake kineze një "rrezik sistematik". Sipas tyre, Kina po e zgjeron me shpejtësi arsenalin e saj bërthamor. Gjatë fundjavës, udhëheqësit e G7-s (Shtetet e Bashkuara, Gjermania, Franca, Italia, Japonia, Kanadaja dhe Mbretëria e Bashkuar) i kërkuar Kinës t'i "respektojë



të drejtat e njeriut". G7 dënoi shkeljet kundër pakicës myslimane ujqure dhe goditjen e aktivistëve pro-

demokracisë në Hong-Kong. Të dyja deklaratat u kritikuan dhe u hodhën poshtë nga Kina.

# Inaugurohet salla e gjermanishtes në Universitetin e Prishtinës

EPOKA  
ERE

Qendresa RAMA

PRISHTINË, 16 QERSHOR- Në Universitetin e Prishtinës u inaugurua të mërkurën salla e gjermanishtes e Katedrës së Gjuhës dhe Letërsisë Gjermane nga ministrja e Arsimit, Arbërie Nagavci, zëvendësambasadori gjerman Jan-Axel Voss dhe rektori i Universitetit të Prishtinës, Naser Sahiti. Njëkohësisht u prezantua edhe programi i ri i studimeve të nivelit MA "Gjermanishtja si gjuhë e huaj", i cili do të nisë në vitin akademik 2021/22. Me këtë rast, ministrja e Arsimit, Arbërie Nagavci, ka thënë se Departamenti i Gjuhës dhe Letërsisë Gjermane pranë Fakultetit të Filologjisë të Universitetit të Prishtinës "Hasan në përgjithësi, ka qenë bartës i kulturës sonë dhe urë lidhëse me miqtë tanë ndërkombëtarë, edhe atëherë kur komunikimi me profesionistët jashtë kufijve të Kosovës ishte pothuajse i pamundur. "Afërsia që populli ynë ndien në raport me popullin gjerman vërehet më së miri në interesimin e shprehur të të

rinjve tanë, sidomos në vitet e pas luftës, për ta mësuar gjuhën gjermane. Andaj më vjen shumë mirë që këtu do të prezantohet edhe programi i ri master 'Gjermanishtja si gjuhë e huaj'. Më lejoni t'ju njoftoj se një nga çështjet parësore ku do të përqendrohet vëmendja e qeverisë sonë është mirëqenia dhe ofrimi i mundësive për avancimin e rinisë sonë", ka thënë Nagavci.

Zëvendësambasadori gjerman Jan-Axel Voss ka theksuar se interesimi për gjuhën gjermane në Kosovë është edhe më tej i madh. "Gëzohem që kemi mundësinë ta prezantojmë sallën e re të gjermanishtes dhe programin e ardhshëm të studimeve master në kuadër të organizimit të sivjetshëm 'Ditët e gjuhës gjermane'. Edhe falë mbështetjes së ofruar nga Goethe-Institut këtu mësimdhënëset dhe mësimdhënësit e ardhshëm të gjermanishtes në Kosovë do të marrin një arsimit të shkëlqyeshëm", ka thënë ai. Salla e gjermanishtes është rinovuar me mbështetje të Goethe-Institut/Goethe-Zentrum në Prishtinë dhe është



pajisur me teknologjinë dhe literaturën më moderne, mbështetje kjo që është dhënë brenda bashkëpunimit shumëvjeçar.

Në kuadër të këtij bashkëpunimi tashmë janë realizuar shumë trajnime për docentë. Kjo sallë do t'u mundësojë studentëve të përgatiten nga aspekti profesional në një ambient modern, si dhe të shfrytëzojnë teknologji informative gjatë

studimit. Gjithashtu, u prezantua edhe programi i ri master "Gjermanishtja si gjuhë e huaj". Brenda këtij programi në të ardhmen do të kualifikohen mësimdhënësit e ardhshëm të gjuhës gjermane.

Programi është hartuar së bashku me Goethe-Institut dhe në bashkëpunim me universitete të tjera të rajonit, duke u bazuar në programin Deutsch Lehren Lernen

(Mësimi i mësimdhënies së gjuhës gjermane) të Goethe-Institut. Ai ofron mundësi të trajnimit në fushat profesionale si, p. sh.: Mësimdhënia e gjermanishtes si gjuhë e huaj, metodat e moderne të mësimdhënies, ose integrimi i teknologjive moderne në procesin e mësimdhënies. Gjatë realizimit të këtij programi Katedra e Gjuhës dhe Letërsisë Gjermane është përkrahur nga Goethe-Institut.

## Kosova synon t'i rrisë kapacitetet e shkollimit ushtarak

EPOKA  
ERE

Faton DËRMAKU

PRISHTINË, 16 QERSHOR- Me qëllim të njohjes nga afër me nivelin e demonstrimit profesional, ministri i Mbrojtjes, Armend Mehaj, i shoqëruar nga zëvendës-komandanti i FSK-së, gjeneralmajor Enver Cikaqi, ishte në Aeroportin e Gjakovës për ta ndjekur stërvitjen fushore "Kampi i avancuar 2021", të realizuar nga kadetët e Qendrës për Studime

Universitare (QSU) të Forcës së Sigurisë të Kosovës. Kjo stërvitje, si pjesë e programit akademik dhe profesional, është realizuar nga data 7 qershor dhe përfundon më 18 qershor. Me këtë rast, ministri Mehaj ka thënë se është i kënaqur me përgatitjen e përgjithshme të kadetëve dhe me sukseset e QSU-së në përgjithësi. Ai ka theksuar se kjo stërvitje është një sfidë për të gjithë, dhe se performancën e demonstruar e vlerësoi lart duke i përgëzuar të gjithë për

përmbyllje shumë të suksesshme të këtij viti akademik. Gjithashtu, ministri Mehaj ka potencuar se ndër synimet e tij është avancimi edhe më i madh i kapaciteteve të shkollimit ushtarak në të gjitha nivelet sipas standardeve më të avancuara të vendeve të NATO-s duke i inkurajuar të gjithë për angazhim dhe përkushtim sa më të lartë në studime në mënyrë që karriera ushtarake të realizohet me vetëbesim dhe kompetencë të lartë profesionale.

## Në 24 orët e fundit 15 raste pozitive me Covid në Kosovë

PRISHTINË, 16 QERSHOR (ER)- Në Kosovë u raportua të mërkurën edhe për 15 persona të infektuar me Covid-19. Rastet e reja pozitive, sipas të dhënave të Institutit Kombëtar të Shëndetësisë Publike të Kosovës, rezultuan pas testimit të 1 713 mostrave. Në 24-orëshin paraprak nuk u regjistrua asnjë viktimitë nga Covid-19, ndërsa u shëruan 67 pacientë. Me këto shifra, sipas IKShPK-së, numri i përgjithshëm i të

infektuarve në Kosovë qëndron në 107 610, i viktimitave në 2 250 dhe i të shëruarve në 105 174. Raste aktive aktualisht janë 186.

Të martën në Kosovë ka nisur fushata e vaksinimit masiv kundër koronavirusit. Kosova ka pranuar donacione vaksinash nga programi Covax i Organizatës Botërore të Shëndetësisë dhe nga Bashkimi Evropian.

Në muajin maj autoritetet e Kosovës kanë njoftuar se kanë nënshkruar një kontratë me kompaninë farmaceutike amerikane "Pfizer" për blerjen e mbi 1 milion dozave të vaksinës Pfizer/BioNTech. Por, këto vaksina nuk dihet se kur do të arrijnë.

Sipas Ministrisë së Shëndetësisë, në Kosovë deri të mërkurën janë dhënë 110 097 vaksina. Të vaksinuar me dy doza janë 13 149 qytetarë.





ANALISTËT POLITIKË KANË KOMENTUAR TAKIMIN E PARË NË MES TË ALBIN KURTIT  
DHE ALEKSANDËR VUÇIQIT TË MBAJTUR TË MARTËN NË BRUKSEL

# Analistët: Pjesëmarrja në një dialog pa marrëveshje finale i shkon përshtati vetëm Serbisë

Një ditë pas takimit Kurti - Vuçiq, njohësit e rrethanave politike në vend kanë folur për synimet që Kosova duhet t'i ketë në fazën finale të dialogut me Serbinë. Ata kanë bërë me dije se kryeministri Albin Kurti në këtë proces duhet ta synojë marrëveshjen përfundimtare me Serbinë dhe ta synojë edhe afatizimin kohor për këtë proces dialogues. Sipas tyre, nëse marrëveshja historike në mes të dy shteteve nuk është qëllim i dialogut, procesi i Brukselit do të jetë në interes të Serbisë

**EPOKA E RE**

Muhamet KOCI

**PRISHTINË, 16 QERSHOR** - Njohësit e rrethanave politike në vend kanë vlerësuar se kryeministri Albin Kurti duhet të kërkojë marrëveshje përfundimtare me Serbinë në procesin e dialogut të Brukselit. Ata kanë bërë me dije se nëse në këtë dialog nuk synohet marrëveshje historike në mes të dy vendeve, procesi do të jetë i dështuar.

Analisti politik Ilir Ibrahim ka vlerësuar se kryeministri duhet të jetë i përgjegjshëm në këtë proces. "Albini është për një kohë të gjatë në politikë dhe gjatë kësaj kohe ka bërë deklarata dhe ka mbajtur qëndrime të cilat ndoshta sot

vetë kryeministri Kurti nuk do t'i mbante e nuk do t'i thoshte. Edhe pse legjitime të mbahet përgjegjës për ato që ka thënë e që ka bërë, kryeministrin Kurti sot duhet ta mbajmë përgjegjës se si po e udhëheq vendin brenda dhe jashtë. Dialogu do të jetë pika kritike se si duhet ta shohim dhe si duhet ta vlerësojmë. Dua ta shoh kryeministrin Kurti të thotë: 'Unë do të dialogoj dhe unë do ta arrij marrëveshjen historike me Serbinë'", ka shkruar Ibrahim në profilin e vet në "Facebook".

Ai ka deklaruar se Kurti duhet ta vendosë Kosovën krah partnerëve perëndimorë në këtë proces. "Dua ta shoh kryeministrin të ofrojë bashkëpunim ndaj partnerëve

ndërkombëtarë, në veçanti ShBA-së dhe ta rreshtojë Kosovën krah interesave të këtyre miqve. Rruga tanimë është trasuar, e unë dua ta shoh Kosovën të zgjedhë mirë se si ecën në këtë rrugë. Kryeministri Kurti e ka shansin historik. Uroj ta kapë atë dhe të shkojmë përpara. Për të kaluarën mund të zihemi e të përzihemi në debate e në beteja të brendshme partiake", ka shkruar Ibrahim.

Edhe drejtori i Institutit Demokratik të Kosovës, Ismet Kryeziu, ka theksuar se Kosova në këtë proces duhet të synojë vetëm marrëveshjen përfundimtare. "Kryeministri Kurti do të duhej ta kërkonte marrëveshjen finale me Serbinë dhe ta synonte

afatizim kohor, më pastaj temat mund të janë të panumërta dhe të karaktereve të ndryshme që mund të dakordohen dy shtetet mes vete, bazuar në marrëveshjen finale", ka shkruar Kryeziu në profilin e vet në "Facebook". Sipas tij, nëse në këtë proces synohet vetëm të prezantohen temat për diskutim, dialogu i Brukselit do të jetë në shërbim të Serbisë. "Përndryshe, pjesëmarrja në një dialog, pa marrëveshje finale, i nisur nga temat, s'është asgjë më shumë se vetëm vazhdim i një politike të papërgatitur për dialogun me Serbinë. Për më tepër, është përshtatje ndaj nevojave të Serbisë dhe disa shteteve burokratike të cilat s'kanë asnjë interes se çfarë po ndodh me Kosovën. Delegacioni i Kosovës duhet të jetë pjesë e dialogut jo për shkak të presionit ndërkombëtar, por për shkak të interesit për t'i zgjidhur shumë çështje me Serbinë si shtete fqinje", ka vlerësuar Kryeziu.

Ndërsa analisti tjetër politik, Milazim Krasniqi, ka bërë me dije se takimi i parë mes Kurtit

dhe Vuçiqit iu ka përshtatur vetëm ithtarëve të dy udhëheqësve. "Takimi Kurti - Vuçiq në Bruksel ka prodhuar atë që u duhet këtyre dy personave: në mesin e ithtarëve të Kurtit ekzaltim me liderin e tyre 'guximtar', në Serbi solidarizim me liderin e tyre 'të vuajtur' (muçenik). Skema është perfekte ideologjiksht: ithtarët e Albinit janë vazhdues të mendësisë së triumfalizmit partizan, ata të Vuçiqit janë vazhdues të mendësisë së vuajtjes së martirëve të Kishës. Kush humb? Kosova. Më saktë, Kosova fatkeq! Kush ndihet i tradhtuar nga ai takim koti? BE-ja dhe ShBA-ja. Prandaj, priten mesazhet e tyre", ka shkruar Krasniqi.

**Opozita kritikon  
përballjen e parë të  
Kurtit me Vuçiqin**

Përfaqësuesit e subjekteve opozitare kanë kritikuar takimin e parë të kryeministrit Albin Kurti me presidentin serb Aleksandër Vuçiq. Ish-

koordinatori i Qeverisë së Kosovës për dialog me Serbinë, Skender Hyseni, ka vlerësuar se kryeministri ka bërë përpjekje për ta minuar dhe ndërprerë dialogun Kosovë - Serbi. Sipas zyrtarit të LDK-së, Kurti shkaktoi njërin nga dështimet më të mëdha diplomatike të Kosovës. "Sjellja arrogante dhe pa sens diplomatik e Albin Kurtit në takimin e djeshëm në Bruksel ishte përpjekje e dëshpëruar për ta minuar dialogun deri në ndërprerje të plotë. Rrjedhimisht, dje Albin Kurti shkaktoi njërin nga dështimet më të mëdha diplomatike të Republikës së Kosovës që nga shpallja e pavarësisë së saj. Kurti arriti që

me sjelljen e tij diletante, krekosjen prej popullisti dhe papërgjegjësive të theksuar, ta dobësonte në masë të madhe pozicionin negociues të Kosovës në vazhdimin e dialogut, i cili, deshi s'deshi Albin Kurti, do të vazhdojë", ka shkruar Hyseni në profilin e vet në "Facebook".

Ai ka vlerësuar se sjellja e Kurtit dëmton interesat e shtetit të Kosovës. "Kosova në Bruksel dje, bëri saktësisht atë që Vuçiqi dhe Serbia preferonin. Kurti shpërfaqti dëshirën e tij për ruajtje të status-quo. E asgjë më shumë nuk përputhet me strategjinë afatgjatë serbe dhe interesat serbe sesa mbajtja pezull, në gjendje të

ngrirë, e kontestit Kosovë - Serbi me fajin e Kosovës! Kjo sjellje e kryeministrit aktual të Kosovës dëmton rëndë interesat afatgjatë të vendit. Ai dje tregoi se nuk ka vullnet, guxim dhe as dije t'i mbrojtë interesat fundamentale të vendit. E sot nuk ka interes më të madh dhe më urgjent për Kosovën sesa përmbyllja e konfliktit me Serbinë me njohje të ndërsjellë", ka shkruar Hyseni.

Edhe lideri i AAK-së, Ramush Haradinaj, e ka kritikuar Kurtin për këtë takim. "Është e habitshme pse njohja e Kosovës nuk është prioritet i tij. Prioritet i parë i tij na qenka shndërrimi i CEFTA-s në SEFTA. Qesharake.

Ashtu si edhe prioriteti i dytë, marrëveshja për paqe mes dy vendeve e, po ashtu, edhe qasja për të pagjeturit. Njohja reciproke është i vetmi rezultat që i duhet Kosovës nga ky dialog. Njohja nënkupton edhe paqen, edhe statusin më të avancuar ekonomik, por edhe hap shtigje për zbulimin e të vërtetës për të pagjeturit. Përndryshe, kjo qasje për të biseduar për tema, pa e njohur shtetet njëra-tjetrën, siç kishte ndodhur më parë në procesin e dialogut, nuk ka rezultate, e në këtë fazë është edhe e rrezikshme për vendin", ka shkruar Haradinaj në profilin e vet në "Facebook".

Takimi i parë ndërmjet

kryeministrit të Kosovës, Albin Kurti dhe presidentit të Serbisë, Aleksandër Vuçiq, ka përfunduar pa ndonjë rezultat të martën në Bruksel. Udhëheqësit e të dy shteteve në këtë takim kanë prezantuar temat e tyre, duke mos u pajtuar për agjendën e dialogut të ardhshëm.

Kryeministri Kurti ka thënë se në këtë takim ka prezantuar katër propozime të cilat nuk i janë marrë parasysh, ndërsa presidenti serb Aleksandër Vuçiq ka thënë se nuk do ta njohë kurrë pavarësinë e Kosovës. Takimi i radhës mes dy delegacioneve është paraparë të mbahet më 25 korrik të këtij viti.

## Bideni dhe Putini shtrëngojnë duart: Është gjithmonë më mirë takimi ballë për ballë



Gjenevë, 16 qershor- Presidenti i Shteteve të Bashkuara të Amerikës, Joe Biden dhe presidenti rus, Vladimir Putin, kanë shtrënguar duart në hapjen e samitit në Gjenevë, mes tensioneve mbi të drejtat e njeriut, Ukrainës dhe sulmeve kibernetike. Ata u pritën në

"Villa La Grange" nga presidenti zviceran Guy Parmelin. Presidenti Biden ka theksuar rëndësinë e takimit ballë për ballë. "Siç e thashë më herët, është gjithmonë më mirë takimi ballë për ballë", është shprehur ai.

Ndërkaq presidenti rus Vladimir Putin ka thënë se kanë

shumë çështje të grumbulluara në marrëdhëniet Rusi - Amerikë. "E di që keni pasur një udhëtim të gjatë dhe shumë punë. Megjithatë, kemi shumë çështje të grumbulluara në marrëdhëniet Rusi - Amerikë që kërkojnë diskutime të nivelit të lartë. Shpresoj që takimi ynë të jetë produktiv", është shprehur

Putini pas shtrëngimit të duarve me Bidenin.

Bisedimet zgjatën rreth tri orë. Format i rënë dakord përfshinte një sesion fillestar mes dy presidentëve së bashku me sekretarin e Shtetit, Antony Blinken dhe kryediplomatit rus Sergei Lavrov. Pas kësaj, diskutimet vazhduan me një

grup të zgjeruar. Një zyrtar i lartë i administratës së presidentit Biden u tha gazetarëve, rrugës për në Gjenevë, se një rezultat i mundshëm i bisedimeve është ndryshimi i qëndrimit të dy vendeve që aktualisht kanë tërhequr ambasadorët nga kryeqytetet përkatëse.

## Ish-avokati i Fatmir Limajt, Karim Khan, emërohet kryeprokuror i ri i Hagës

PRISHTINË, 16 QERSHOR- Kryeprokuror i ri i Gjykatës Penale Ndërkombëtare është avokati britanik Karim Khan. Ky i fundit është i njohur edhe për mbrojtjen e ish-ministrit të MTPT-së në Kosovë, Fatmir Limaj, i cili ishte akuzuar për krim të organizuar dhe më pas u lirua në vitin 2017. Ai

premtoi t'u drejtohet shteteve joanëtare dhe të sigurohet që gjyqet të mbahen në vendet ku janë kryer krimet.

Khan, avokat 51 vjeç, ka përvojë shumëvjeçare në të drejtën ndërkombëtare si prokuror, hetues dhe avokat mbrojtës. Ai mori detyrën nga prokurori Fatua Bensuda i

Gambisë, mandati nëntëvjeçar i të cilit skadoi dje, ka raportuar "AP".

Ai ka thënë se Haga duhet të jetë selia e gjykatës dhe të gjykohej në vendet dhe rajonet ku janë kryer krimet. Khan ka theksuar se dëshiron të bashkëpunojë me vendet që nuk janë në mesin e 123

vendeve anëtare të gjykatës për ta arritur drejtësinë. "Fuqitë botërore të Shteteve të Bashkuara, Ruisë dhe Kinës nuk janë anëtare dhe nuk njohin juridiksionin e gjykatës. Unë jam i bindur se ne mund të gjejmë një gjuhë të përbashkët në kërkim për ta siguruar çrrënjosjen e



gjenocidit, krimeve kundër njerëzimit dhe krimeve të luftës", ka deklaruar Khan.

## Komuna e Prizrenit, ndër komunat e pakta që nuk ka nivel të arsimit parafillor në sistemin buxhetor

PRIZREN, 16 QERSHOR (ER)-Kuvendi i Komunës së Prizrenit ka mbajtur të mërkurën seancë të jashtëzakonshme të thirrur nga kryesuesi i Kuvendit Komunal, Sulltan Badalli, me një pikë të rendit të ditës: "Shqyrtimi dhe miratimi i propozim-vendimit për harmonizimin e numrit të stafit dhe ndarjeve buxhetore sipas kategorive ekonomike, brenda Drejtorisë së Arsimit dhe Shkencës në Komunën e Prizrenit". Mbledhja ka filluar me prezantimin e pikës nga ana e drejtoreshës së Drejtorisë Komunale të Arsimit, Xhemile Thaçi-Vezgishi, e cila, duke folur për rëndësinë dhe rolin e çerdhes në edukimin e hershëm të fëmijëve, ka

njoftuar se me votimin e kësaj pike jo vetëm që miratohen procedurat ligjore, por edhe formalizohen pagat e punëtorëve dhe shpenzimet e operative të çerdhes së parë publike në Prizren.

Duke theksuar që Komuna e Prizrenit është ndër komunat e pakta që nuk ka nivel të arsimit parafillor në sistemin buxhetor, drejtoresha Thaçi-Vezgishi ka thënë se Ministria e Financave ka kërkuar që ky harmonizim të kalojë përmes Kuvendit Komunal, në mënyrë që niveli i arsimit parafillor të funksionojë si nënprogram i arsimit, në aspektin buxhetor.

Më tej drejtoresha ka njoftuar se me këtë aprovim do të përfundohet procesi për funksionalizimin e institucionit



parafillor, i cili do t'i plotësojë nevojat e komunitetit, si dhe do t'i rregullojë dhe formalizojë

pagat e 19 anëtarëve të stafit të angazhuar të çerdhes publike. Pas pyetjeve dhe çështjeve të

ngritura nga kuvendarët, seanca u përmbyll për shkak të mungesës së kuorumit.

## Mirëpritet në Mitrovicë fushata për cilësinë e ajrit



MITROVICË, 16 QERSHOR (ER)-Komuna e Mitrovicës të mërkurën është bërë pjesë e fushatës së ndërgjegjësimit në të gjithë vendin për ndotjen dhe cilësinë e ajrit. Këtij aktiviteti i janë bashkangjitur edhe nënkryetari i komunës, Faruk Mujka, së bashku me drejtorin e Arsimit, Skender Avdiu, për ta promovuar sloganin "Ajër më i pastër për shëndet më të sigurt", në sheshin e qytetit "Mehë Uka". Me këtë rast, nënkryetari Faruk Mujka ka falënderuar organizatorët e këtij projekti për këtë aktivitet, duke thënë se për qytetarët e Mitrovicës kjo fushatë ndërgjegjësuere është më se e mirëseardhur në mënyrë që të jenë ata të informuar më shumë për rreziqet shëndetësore të shkaktuara nga ndotja e ajrit dhe

për masat të cilat duhen ndërmarrë për ta mbrojtur veten. Fushata e mbajtur sot është një nga aktivitetet kryesore brenda fushëveprimit të projektit "Furnizimi i shërbimeve të menaxhimit të projektit, të menaxhimit të informacionit për cilësinë e ajrit, të ndryshimit të sjelljes dhe të shërbimeve të komunikimit" (Projekti i Cilësisë së Ajrit), financuar nga Korporata e Sfidave të Mijëvjeçarit (MCC) përmes Fondacionit të Mijëvjeçarit të Kosovës (MFK) dhe zbatuar nga Konsorciumi NIRAS në mbështetje të Institutit Kombëtar të Shëndetësisë Publike (IKShP), Institutit Hidrometeorologjik të Kosovës (IHMK) dhe Agjencisë për Mbrojtjen e Mjedisit të Kosovës (AKMM).

## Nisma zyrtarizon dy kandidatura për kryetarë komunash, Hoxhën në Gjakovë, Morinën në Klinë

GJAKOVË, 16 QERSHOR (ER)-Kryetari i Nismës Socialdemokrate, Fatmir Limaj, ka publikuar emrat e dy kandidatëve për kryetarë komunash në zgjedhjet lokale që do të mbahen më 17 tetor. Fazli Hoxha do të jetë kandidat për kryetar të Gjakovës, ndërsa Naser Morina do të jetë kandidat për kryetar të Klinës.

Limaj ka vizituar këto dy komuna me rastin e zyrtarizimit të kandidaturave. "Strukturat tona drejtuese në Gjakovë e Klinë i informova rreth zhvillimeve të fundit politike në vend, dhe bashkë me to bashkëbiseduam edhe rreth përgatitjeve që këto dy degë po bëjnë për zgjedhjet e ardhshme lokale që do të mbahen në tetor

të këtij viti. Degët tona në Gjakovë dhe Klinë tashmë janë në fazën finale të përpilimit të listës së kandidatëve për asamble komunale, derisa kandidaturat për kryetar komune veç i kanë përmbyllur. Në Gjakovë Nisma ka kandidat për kryetar Fazli Hoxhën, ndërsa Klina Naser Morinën", ka thënë Limaj.



## Gjilani nënshkruan marrëveshje për efikasitet të energjisë për dy shkolla

GJILAN, 16 QERSHOR (ER)-Nënkryetari i Komunës së Gjilanit, Arbër Ismajli, në emër të kryetarit Haziri, ka nënshkruar të mërkurën marrëveshje mirëkuptimi me Ministrinë e

Ekonomisë, e cila përfaqësohet nga zyrtarja e lartë për Buxhet dhe Financa, Besa Kerqeli, për efikasitet të energjisë në shkollën "Skënderbeu" (Përlepnicë) dhe "Thimi

Mitko". Sipas kësaj marrëveshjeje, në këto dy shkolla do të financohen rreth 230 mijë euro. Nënkryetari Arbër Ismajli e ka falënderuar përfaqësuesen e Ministrisë

së Ekonomisë për partneritetin me Gjilanin në këto dy projekte të rëndësishme për dy shkollat, "Skënderbeu" (Përlepnicë) dhe "Thimi Mitko".



## Pakoja e projektligjeve kundër korrupsionit drejt finalizimit

EPOKA  
ERE

Qendresa RAMA

PRISHTINË, 16 QERSHOR- Në kuadër të finalizimit të pakos së ligjeve kundër korrupsionit, është mbajtur punëtorja dyditore për Projektligjin për Deklarim, Prejardhje dhe Kontrollin e

Pasurisë së Zyrtarëve Publikë. Sipas njoftimit të Ministrisë së Drejtësisë, fokusi i diskutimeve po zhvillohet në çështjet që janë identifikuar si sfida dhe mangësitë e ligjit ekzistues me theks të veçantë lista e deklaruesve të pasurisë, ku do të përfshihen edhe kategori të reja,

deklarimi online, masat ndëshkuese dhe obligimi për deklarim të prejardhjes së pasurisë. Në këtë punëtorë po marrin pjesë përfaqësues të institucioneve përkatëse, partnerët ndërkombëtarë si dhe përfaqësues nga shoqëria civile. "Krahas

finalizimit të Projektligjit për Agjencinë për Parandalimin të Korrupsionit i cili shumë shpejt do të procedohet për në qeveri, pastaj në Kuvend ky projektligj do të procedohet për konsultime publike. Ministria e Drejtësisë mbetet e përkushtuar për avancimin e

legjislacionit kundër korrupsionit dhe për intensifikimin e përpjekjeve që deklarimi i pasurisë të jetë mjet efikas për parandalimin e abuzimeve me parane publike", ka njoftuar Ministria e Drejtësisë. Punëtorja mbështetet nga Zyra e UNDP-së në Kosovë.

## Qytetarët shpëtojnë paratë nga korrupsioni

EPOKA  
ERE

Faton DËRMAKU

PRISHTINË, 16 QERSHOR- A e dini se çfarë po ndodh gjatë këtyre 24 orëve? Nga dita në ditë, për dekada, paratë që u përkasin të gjithë qytetarëve, shpërdorohen para syve të tyre. Korrupsioni i shkakton dëme të mëdha shoqërisë. Por jo edhe gjatë ditës së sotme. Iniciativa Rajonale Kundër Korrupsionit (RAI) ka vendosur ta rrisë sensibilizimin në lidhje me këtë fenomen, për të cilin qytetarët zakonisht heshtin, përmes një shfaqjeje në sheshin "Zahir Pajaziti" në Prishtinë. "Sinjalizo" është pjesë e fushatës edukativo-informuese që po realizohet nga Iniciativa Rajonale Kundër Korrupsionit (RAI), me mbështetjen financiare të Bashkimit Evropian, në kuadër të projektit "Ndërprerja e heshtjes përmes përmirësimit të politikave dhe kulturës së raportimit të

korrupsionit nga sinjalizuesit në Ballkanin Perëndimor dhe Moldavi".

Me anë të këtij projekti, sekretariati i RAI-it është duke u angazhuar për fuqizimin e legjislacionit dhe kornizës institucionale për mbrojtjen e sinjalizuesve, në përputhshmëri me direktivën e BE-së.

Gjatë gjithë ditës po demonstron shkatërrimi i parave në mënyrë simbolike, ashtu si ndodh në të vërtetë aty ku ka korrupsion. Ndodh para syve tanë, nuk bën pushim dhe nuk fle. Kjo është një mënyrë simbolike për ta rritur sensibilizimin për të mos marrë pjesë në korrupsionin që bëhet në dëm të parave që duhet të investohen e të përdoren për rritjen e cilësisë së jetës së qytetarëve.

Iniciativa Rajonale Kundër Korrupsionit (RAI) është një organizatë unike ndërqeveritare që i dedikohet ekskluzivisht luftës kundër korrupsionit në



Evropën Juglindore.

Sekretariati i RAI po punon për ta rritur bashkëpunimin rajonal dhe përpjekjet anti-korrupsion, duke siguruar një platformë të përbashkët për dialog, shkëmbim të njohurive dhe praktikave më të mira anti-korrupsion në Evropën Juglindore.

Me performancën në rrugë synohet të tërhiqet vëmendje ndaj dëmit që korrupsioni i shkakton shoqërisë sonë dhe për rolin e rëndësishëm që çdo person ka në luftën kundër

korrupsionit. Është e mundur të "sinjalizohet" duke refuzuar pjesëmarrjen në korrupsion. Siç u tha nga organizatorët, çdo euro që ruhet nga shkatërrimi mund dhe duhet të investohet në përmirësimin e cilësisë së jetës së atyre të cilëve u përkasin ato para qytetarëve. Drejtori i Agjencisë Kundër Korrupsionit, Shaip Havolli, i cili ishte pjesë e konferencës për mediat, ka thënë se AKK-ja ka bashkëpunim të ngushtë me RAI-n në fushën e luftës kundër korrupsionit. "Në

kuadër të bashkëpunimit tonë rajonal, Agjencia Kundër Korrupsionit bashkëpunon ngushtë me Iniciativën Rajonale Kundër Korrupsionit - RAI, me të cilën sot dhe nesër kemi për qëllim që t'i vetëdijësojmë qytetarët tanë për rëndësinë e sinjalizimit dhe mbrojtjen e sinjalizuesve", ka thënë Havolli.

Ndërkaq menaxherja e projektit "Ndërprerja e heshtjes" të RAI, Elmerina Ahmetaj-Hrelja, ka folur në këtë konferencë, duke kërkuar që të mbështeten sinjalizuesit. "Mos të harrojmë se lufta kundër korrupsionit fillon nga individ, domethënë me secilin prej nesh personalisht. Me këtë performancë ne gjithashtu tregojmë se jemi me sinjalizuesit, ata që marrin vendimin e guximshëm ta raportojnë korrupsionin dhe në këtë mënyrë e vënë veten në shërbim të interesit publik", ka thënë Ahmetaj-Hrelja.

## Konjufca thekson synimin e anëtarësimit të Kosovës në OSBE

PRISHTINË, 16 QERSHOR (ER)- Kryetari i Kuvendit të Kosovës, Glauk Konjufca, ka pritur të mërkurën në takim shefin e Misionit të OSBE-së në Kosovë, ambasadorin Michael Davenport, me ç'rast kanë diskutuar për zhvillimet aktuale në vend dhe për prioritetet e


legjislaturës së re.

Ambasadori Davenport ritheksoi gatishmërinë e OSBE-së për të bashkëpunuar dhe ndihmuar Kosovën në proceset e mëtejme të reformave dhe të demokratizimit.

Kryekuvendari Konjufca e falënderoi

ambasadorin Davenport për bashkëpunimin dhe mbështetjen e OSBE-së ndaj institucioneve të vendit tonë, duke nënvizuar rëndësinë e vazhdimin të bashkëpunimit dhe synimin e anëtarësimit të Kosovës në këtë organizatë.





## Kërkohet me urgjencë ndihma e shtetit për sektorin privat

Ministri i Financave, Punës dhe Transfereve, Hekuran Murati, ka paralajmëruar pako të re të rimëkëmbjes ekonomike. Ky propozim i Muratit është kundërshtuar nga opozita me arsyetimin se duhet të vazhdohet të implementohet Ligji për Rimëkëmbje Ekonomike, mirëpo nga njohësit e ekonomisë është mirëpritur pakoja e re për rimëkëmbje ekonomike. Ata thonë se fokusi më i madh duhet të jetë te bizneset e goditura nga pandemia

**EPOKA E RE** Albulena S. MAVRAJ

PRISHTINË, 16 QERSHOR- Ministri i Financave, Punës dhe Transfereve, Hekuran Murati, në seancën e së të martës të Kuvendit të Kosovës gjatë fjalës së tij, ka paralajmëruar pako të re të rimëkëmbjes ekonomike. “Ne jemi në përçatitje. Shumë shpejt do ta kenë edhe rishikimin e buxhetit. Ka qenë e pamundur të hartohet pakoja e rimëkëmbjes ekonomike pa e

ditur hapësirën fiskale. Është dashur t’i monitorojmë të hyrat dhe shpenzimet në mënyrë që ta kemi të qartë se çfarë hapësire fiskale mund të përdorim për të krijuar këtë pako të rimëkëmbjes”, ka thënë Murati.

Por nënkryetari i Kuvendit nga radhët e PDK-së, Bedri Hamza, ka thënë se gjendja ekonomike është e rëndë dhe se qeveria, sipas tij, duhet ta fillojë implementimin e Ligjit për Rimëkëmbje Ekonomike, pasi që pas gjashtë muajve ky

ligj do të shfuqizohet. “Se gjendja ekonomike është e rëndë, tregojnë edhe shumë indikatorë makroekonomikë. Kemi shumë biznese që kanë falimentuar e shumë punëtorë që kanë humbur vendin e punës. Edhe borxhi publik është rritur. Shqetësuese mbetet që as në programin qeveritar nuk parashihet asnjë masë konkrete se si do të bëhet rimëkëmbja ekonomike e vendit pas Covid-19”, ka thënë deputeti Hamza. Kryetari i Odës Ekonomike të

Kosovës, Berat Rukiqi, ka thënë për gazetën “Epoka e re” se është i nevojshëm krijimi i pakos së re të rimëkëmbjes ekonomike. “Ne duhet ta kemi një analizë të thuktë pasi ka shumë indikatorë që janë më mirë sesa që kemi pritur, pasi ka një rritje të qarkullimit të bizneseve dhe tani duhet ta shohim se ku është e rëndësishme të intervenohet. Sigurisht se duhet të kemi një pako të re të rimëkëmbjes ekonomike pasi nuk mund të rikuperohen pasojat e pandemisë vetëm me veprime të cilat janë brenda sektorit privat”, ka thënë Rukiqi. Ai ka thënë se rritja e fuqisë blerëse, eksportuesit dhe personat që kanë humbur vendet e punës duhet të jenë prioritet i linjës së pakos së re të rimëkëmbjes. “Çështja e subvencionit me paga më nuk

është aktuale, sepse nuk kemi mbyllje të ekonomisë. Ne duhet të shohim se si mund ta rrisim fuqinë blerëse më shumë dhe si mund të ndikojmë në krijimin e vendeve të reja të punës. Këtu mendoj se ka hapësirë të përkrahet pjesa e eksportit. Pra, e rëndësishme është të ruhet fuqia blerëse dhe të përfshihet pjesa për punëtorët që kanë humbur vendet e punës, pra t’u ndihmohet atyre dhe të mendohet për gjetjen e punës tjetër për ta”, ka thënë Rukiqi.

Visar Vokri, hulumtues nga “Riinvest”, ka thënë për gazetën “Epoka e re” se zotimet qeveritare duhet të implementohen pavarësisht se cilës parti politike i takojnë pasi, sipas tij, bizneset planet i orientojnë bazuar në zotimet publike. “Zotimet e qeverisë

## ATK-ja paralajmëron ndërtimtarët: Deklaroni tatimet

Prishtinë, 16 qershor (ER) - Administrata Tatimore e Kosovës (ATK) ka kërkuar nga sektori i ndërtimit që t’i deklarojë detyrimet në përputhje me legjislacionin. Sipas ATK-së, të gjithë ata që nuk iu përgjigjen detyrimeve tatimore do të ndërmerren masa ndëshkuese ndaj tyre.

“Bazuar në planin strategjik 2021-2025 dhe planin e trajtimit të rreziqeve për vitin 2021, ATK-ja ka hartuar planin e veprimit për trajtimin e subjekteve që ushtrojnë aktivitete në lëmin e ndërtimit, me qëllim të identifikimit të personave të cilët nuk përmbushin

detyrimet e tyre tatimore në përputhje me kërkesat e legjislacionit tatimor. ATK-ja ju inkurajon që t’u përgjigjeni detyrimeve tatimore, në të kundërtën do të ndërmerren masa ndëshkuese të përcaktuara me legjislacionin tatimor”, thuhet në njoftimin e ATK-së.



duhet të merren seriozisht, pavarësisht se ishin zotime të një qeverie paraprake, ato zakonisht preferencohen në planet investive të bizneseve në sektorin privat. Pra, kur një zotim publik për implementim është i rregulluar me ligj dhe nuk implementohet, kjo mund të ndikojë në aktivitetin ekonomik të sektorit privat. E themi këtë për shkak se bizneset i marrin seriozisht dhe të zotueshme premtimet e qeverisë dhe kësaj aktivitetet e tyre i bazojnë në zotimet e qeverisë. Prandaj, konsideroj se ligji i cili është

votuar në vitin e kaluar në Kuvendin e Kosovës, i tillë duhet të fillojë të implementohet. Sektori privat ka hyrë në pritje dhe ato pritje duhet të realizohen dhe kjo mund të ndikojë në tkurrje të sektorit privat”, ka thënë Vokri.

Sipas tij, nëse qeveria aktuale konsideron se Ligji është i paimplementueshëm, me delikatesë duhet ta hartojë pakon e re të rimëkëmbjes dhe prioritet të jenë sektorët e goditur nga pandemia. “Nga kjo qeveri, pavarësisht se ende s’kemi plan konkret, është thënë se ligji i rimëkëmbjes, si

i tillë, s’mund të implementohet dhe nëse kemi plan të ri, edhe pse jemi vonuar në planin e rimëkëmbjes, konsideroj se qasja duhet të jetë më selektive dhe mos të kemi qasje gjithëpërfshirëse për të gjithë sektorët pa dallim, pasi kriza pandemike ka pasur pasoja më të mëdha për disa sektorë, rrjedhimisht dhe qasja s’duhet të jetë uniforme. Fokusi më i madh duhet të jetë te bizneset e goditura, në mënyrë që edhe rimëkëmbja të jetë në fund e barabartë për të gjithë”, ka deklaruar Vokri. Njohësi i çështjeve

ekonomike, Safet Gërxhaliu, ka thënë për “Epokën e re” se Kosova është në pozitën e fundit sa i përket mbështetjes për biznese dhe për qytetarët. “Nëse bëhet një analizë e mbështetjes së shteteve të rajonit ndaj bizneseve dhe qytetarëve, Kosova është në pikën e fundit. Mal i Zi i ka ndarë më tepër se 1 miliard e 600 euro, Shqipëria tre miliardë euro, Maqedonia më tepër se 4 miliardë euro, kurse Kosova deri më sot vetëm 269 milionë euro ndihmë për qytetarët dhe bizneset. Kjo dëshmon më se miri qasjen e institucioneve për t’i

mbështetur bizneset dhe qytetarët. Duhet të draftohet një pako e re për rimëkëmbje ekonomike e cila do të ketë qasje gjithëpërfshirëse dhe e cila do t’i ketë target ndërmarrjet e vogla dhe të mesme, si dhe bizneset familjare. Jo pako nga e cila do të përfitojnë vetëm kompanitë e mëdha të cilat në kohën e pandemisë ishin përfitueset më të mëdha”, ka thënë Gërxhaliu, i cili ka shtuar se vendeve të rajonit u duhet një apo dy vjet për rimëkëmbje ekonomike, ndërkaq Kosovës i duhet dyfishi i kësaj kohe.



## Kosova synon të jetë destinacion për investimet e huaja në dhjetë vjetët e ardhshëm

PRISHINË, 16 QERSHOR (ER)-Kosova dhe Ballkani Perëndimor synohen të jenë destinacione për investime të huaja në dhjetë vjetët e ardhshëm. Kështu është thënë të mërkurën gjatë prezantimit të studimit “Të bëhemi më të fortë pas Covid-19: Shfrytëzimi i potencialit të afërsisë gjeografike për investime të

huaja direkte në Ballkanin Perëndimor” nga Oda Ekonomike e Kosovës. Kryetari i OEK-ut, Berat Rukiqi, ka deklaruar se në bazë të kësaj analize, Ballkani ka potencial që të jetë destinacion i investimeve sidomos nga Gjermania në dhjetë vjetët e ardhshëm. Ai ka shtuar se ky interesim ndërldhet me

stabilitetin politik dhe bashkëpunimin rajonal. “Kosova ka shansin të tërheqë investime të huaja serioze. Jo rastësisht kanë nisur diskutimet për iniciativën e bashkëpunimit rajonal. Këto investime do të ndikojnë në rritjen e punësimit dhe rritjen e eksporteve drejt vendeve të treta”, ka thënë Rukiqi.



# AWR ABBRUCH I VËLLEZËRVE VIQA PRONARË I BAGERIT MË TË MADH NË BOTË LIEBHERR 980 PËR DEMOLIM

**T**ë mëdhenjtë jo vetëm janë të tillë, por janë edhe të paarritshëm!  
Në maja të tilla qëndron dhe ngjitet sigurtë e pandalshëm, gjigandi AWR ABBRUCH i vëllezërve shqiptar VIQA nga Kosova në Gjermani!  
6 Prilli i vitit 2021 shënoi një nga ngjarjet më të mëdha të këtyre vëllezërve heronj, të familjes së tyre të madhe VIQA dhe të gjigandit AWR ABBRUCH!

Ky bager gjigant LIEBHERR 980, që është jo vetëm më i madhi në botë për demolim, por shënon edhe të arriturën më të madhe deri më sot të familjes punëtore, fisnike e çlirimtare atdhetare VIQA nga Gremja e Ferizajt!

Vëllezërit VIQA këtë bager gjigant, më të madhin në botë special për demolim jo vetëm kanë pasur mundësi e fuqi financiare për ta blerë, por në bashkpunim me menagjerët dhe stafin e lartë të profesionistëve të Liebherr, edhe e kanë modifikuar konform me nevojat e tyre nga pervoja e madhe që e kanë gjatë punëve të tyre në kantieret e shumta dhe të mëdha në qytete e vende të ndryshme pune në Gjermani!

Pronarët e AWR ABBRUCH, prej 15 Mars te vitit 2018 deri më 6 Prill 2021, kur bageri arriti dhe u bë pjese e parkut ne parkingun atraktiv e gjigant të AWR ABBRUCH, për sqarime e nderhyrje profesionale, por konstruktimin e bagerit me te madh për demolim në planet, kanë udhëtuar për në Liebherr të Francës, shumë herë!

Në nderim të Vëllezërve VIQA dhe të gjigandit të tyre AWR ABBRUCH, në Colmar kishte shkuar Ministrja e Punës se Qeverisë së Francës dhe bashkë me Kryetarin e Komunës dhe Menagjerin Gjeneral të Liebherr, ua kanë dorezuar Qelsin e bagerit me të madh në botë për demolim Liebherr 980! Kamë knaqësinë e madhe që Vëllezërve VIQA, Shokëve e Loqkamanave Nazmiut, Ilmiut dhe Gonit, të ju uroj nga zemra, suksese edhe më të mëdha!

Urime Vëllezër VIQA!  
Ju jeni te medhenj, e ardhmja është e Juaja!  
Gjithëçka e mirë uroj të arrijë te Ju dhe familjet Tuaja!

Gëzuar!  
Suksese!  
**Ismet SYLEJMANI,**  
Prishtinë, 16 qershor 2021!



**EURO GLASS**  
SAINT-GOBAIN SEKURIT PILKINGTON  
Enveri  
Adr: Fushë Kosovë  
Mob: 044 10 20 10 / 049 145 336  
E-mail: euro.glass@live.com



QENDRA SPORTIVE  
**'BUJQËSIA'**  
TEL: 045/82 82 82

# Italia siguron kualifikimin. Uellsu mposhti Turqinë



## "Epoka e re"

**Romë, 16 qershor** - Kombëtarja e Italisë e ka siguruar kualifikimin për rrethin e dytë në Kampionatin Evropian, pasi e mposhti sonte Zvicrën me rezultat 3-0. Kapitani Granit Xhaka dhe Xherdan Shaqiri e nisën nga fillimi ndeshjen, por nuk arritën të ndalin humbjen Zvicrës, që është e para në "Euro 2020". Në minutën e 19-të, Giorgio Chiellini shënoi golin e parë, por ky gol u anulua pasi mbrojtësi italian paraprakisht luajti me dorë. Shtatë minuta me vonë, Manuel Locatelli e nisi dhe e përfundoi me gol një aksion fantastik. Skuadrat shkuan në pushim me rezultat 1-0. Në minutën e 52-të, Manuel Locatelli shënoi një gol të bukur nga distanca për rezultatin 2-0. Golin e tretë dhe të fundit në ndeshje e realizoi sulmuesi Ciro Immobile. Trajneri i Zvicrës në pesëmbëdhjetë minutat e fundit e zëvendësoi Shaqirin, derisa nuk e inkuadroi farë në lojë shqiptarin Admir Mehmedi. Përderisa Italia e siguroi kualifikimin, Zvicrës i duhet një fitore me shumë se dy gola diferencë në ndeshjen ndaj Turqisë për të siguruar kualifikimin. Ndërsa në kuadër të

këtij grupi, Uellsu e mposhti Turqinë me rezultat 2-0. Futbollisti i Juventusit, Aaron Ramsey në fund të pjesës së parë e shnoi golin e parë, pasi mori një pasim të mrekullueshëm nga Bale. Ky i fundit në pjesë e dytë e humbi një penallti. Uellsu e shënoi edhe golin e dytë në minutat shtesë me anë të Connor Roberts. Uellsu e ka një fitore e një barazim dhe po shkon me hapa të sigurt drejt kualifikimit. Kurse, kjo humbje ia ka shuar shpresat Turqisë, e cila ishte mposhtur paraprakisht edhe nga Italia, 0-3.

## Rusia shijon fitoren e parë në Evropian, Finlanda humbjen

Rusia merr fitoren e parë në "Euro 2020" dhe ndez shpresat për një kualifikim të mundshëm. Në Shën Petersburg skuadra e drejtuar nga Cheresov fitoi minimalisht 1-0 kundër Finlandës. Finlandës u detyruan që të përjetonin sërish frikë, teksa një tjetër kundërshtarë i tyre doli me barelë nga fusha e lojës. Në minutën e 23-të, Mario Fernandes pësoi një dëmtim horror në një dyluftim me kokë brenda zonës së Finlandës, teksa rënia e tij ishte e frikshme. Rusia ishte më

konkrete në lojën e saj, teksa do të gjente golin e avantazhit dhe të fitores në shtesën e pjesës së parë. Aleksei Miranchuk me një veprim shumë të bukur brenda zonës, lëshon një të majtë të befasishme që përfundon në trekëndëshin e portës. Finlanda reagon në fillimin e fraksionit të dytë, me Teemu Puki, i cili shpërdoroi shansin për të gjetur barazimin në minutën e 49-të. Sulmuesi finlandez edhe disa minuta më pas humbi një tjetër mundësi, por këtë herë u frenua nga Safonov. Rusia me këtë fitore minimale ngjitet momentalisht në vendin e dytë në Grupin B me 3 pikë.

## Grupi A

Turqi - Uells 0-2  
Itali - Zvicër 3-0

## Grupi B

Rusi - Finlandë 1-0  
Të enjten takohen:  
18:00 Danimarkë - Belgjikë

## Grupi C

Të enjten takohen:  
15:00 Ukrainë - Maqedoni e V.  
21:00 Holandë - Austri



## Rudiger: Nuk e kafshova Pogban

Mbrojtësi i Kombëtares së Gjermanisë, Antonio Rudiger, ka mohuar se ka kafshuar Paul Pogban gjatë ndeshjes Francë - Gjermani. Rudiger ka thënë se duket që e ka kafshuar, por nuk është e vërtetë. "Nuk duhej të afrohesha me gojën te shpina e tij. Nuk ka dyshime për të. Duket, fatkeqësisht. Paul dhe unë kemi biseduar si shokë pas fishkëllimës finale", ka thënë Rudiger. Ndërkohë, edhe Pogba ka thënë se çdo problem me gjermanin është sqaruar dhe shpreson që ky i fundit të mos suspendohet.

## Deschamps: Luajtëm ndeshje të madhe ndaj një ekipi të shkëlqyer si Gjermania

Trajneri i Francës, Didier Deschamps, ka thënë, pas fitores kundër Gjermanisë (1-0), se skuadra e tij bëri një lojë të madhe ndaj një kundërshtari të vështirë. "Luajtëm një ndeshje të madhe ndaj një ekipi të shkëlqyer si Gjermania. Ishte si një betejë lufte. Mund të kishim nxjerrë disa topa më mirë dhe të kishim dhënë disa pasime më të sakta, por ishte një sfidë shumë e vështirë. Kjo ndodhi për shkak të vështirësisë së të pasurit përballë një skuadër si ajo. Gjithmonë kanë qenë të vështirë për të manovruar, por në ishim në gjendje të përfitonim", ka thënë Deschamps.

## Low: Kualifikohemi në dy ndeshjet e tjera

Gjermania e humbi ndeshjen ndaj Francës (1-0) në Grupin F, por trajneri Joachim Low është optimist se do të kualifikohen në fazën tjetër. "Ka ende dy ndeshje në të cilat ne mund të rregullojmë gjithçka dhe ta gjejmë kualifikimin. Ishte një ndeshje intensive, ne u përpoqëm të luftonim deri në fund, por një autogol vendosi ndeshjen. Nuk mund ta fajësojmë Hummelsin. Ishte, thjesht, fat i keq. Nuk ishte e lehtë ta largoje atë top", ka thënë Low.

## Arnautoviqi shau lojtarët shqiptarë, dënohet nga UEFA

UEFA ka marrë vendimin duke e dënuar me një ndeshje pezullim sulmuesin e Austrisë, Marko Arnautoviq, i cili ofendoi futbollistin shqiptar të Maqedonisë së Veriut, Alioski. Arnautoviq kërkoi falje pas ndeshjes, por Federata e Maqedonisë së Veriut kërkoi dënimin e futbollistit. "Jemi kundër nacionalizmit, diskriminimit dhe të gjitha formave të tjera të ofendimeve që nuk kanë të bëjnë me futbollin. Dënojmë shfryrjen nacionaliste që bëri Arnautoviq ndaj Alioskit". Gjithsesi UEFA nuk e ka marrë aspak parasysh pjesën e racizmit, duke e dënuar atë vetëm për ofendim. Me këtë vendim, sulmuesi i Austrisë do të mungojë në ndeshjen e radhës ndaj Holandës.

## Isufi emërohet trajner i Ballkanit

**SUHAREKË, 16 QERSHOR** - Skuadra e Ballkanit nga Suhareka e ka emëruar Bekim Isufin trajner të ri. Lajmi është bërë me dije nga vetë klubi suharekas në faqen zyrtare në "Facebook". "Të dashur tifozë, ju njoftojmë se timonier i FC

Ballkanit për sezonin 2021/22 është emëruar Bekim Isufi i cili ishte më i përafërt sa i përket misionit dhe vizionit të klubit. Duke parë se këto dy komponente janë harmonizuar, kemi vendosur që drejtimin e klubit në

aspektin sportiv për edicionin e ardhshëm t'ia besojmë Isufit. Na priftë e mbara, Suharekë!", thuhet në njoftimin e FC Ballkani. Skuadra e Ballkanit ishte e interesuar për angazhimin e trajnerit Thomas Brdariç, por

ky i fundit vendosi të vazhdojë kontratën me Vllazninë e Shkodrës. Ballkani, edhe pse pati një sezon të mirë në Superligë, në fund e mbylli kampionatin pa trofe dhe pa vendin e dytë që e dërgon skuadrën në garat evropiane.



## Short i vështirë për Dritën dhe Llapin

Nëse Drita dhe Llapi e kalojnë rrethin e parë në Konferencë Ligë, atëherë do të takohen në rrethin e dytë me Feyenoordin, përkatësisht Santa Claran. Ndeshjet e rrethit të dytë zhvillohen më 22 dhe 29 korrik

### "Epoka e re"

**PRISHTINË, 16 QERSHOR** - Nënkampionia e Kosovës në futboll, Drita nga Gjilani, nëse e kalon FK Deçiçin nga Tuzi në rrethin e parë kualifikues në Konferencë Ligë, atëherë do të përballet me skuadrën e famshme holandez, Feyenoord Rotterdam. Skuadra e Dritës përballjen kundër Deçiçit e zhvillon më 8 dhe 15 korrik dhe nëse e kalon klubin malazez, atëherë do të përballet me skuadrën holandeze më 22 dhe 29 korrik. "Është mësuar edhe kundërshtari i radhës në rast se klubi ynë FC Drita e kalon raundin e parë. Kundërshtari ynë në rast të kalimit në raundin e parë do të jetë ekipi me renome nga Holanda, Feyenoord nga Rotterdami. Ndeshjet e raundit të parë do të zhvillohen më 8 dhe 15 korrik!", thuhet në njoftimin e klubit



nga Gjilani.

Edhe fituesi i Kupës së Kosovës në futboll, Llapi, e ka mësuar kundërshtarin e radhës në Konferencë Ligë. Skuadra llapjane kundërshtar e ka Shkupin dhe, nëse arrin ta eliminojë këtë klub, atëherë në rrethin e dytë të kësaj gare do të përballet me klubin portugez CD Santa Clara. "Është hedhur

shorti i raundit të dytë kualifikues për Uefa Conference League. Fituesi i përballjes Shkupi - Llapi në raundin e dytë do të përballet me vendin e 6 të Ligës Portugeze, CD Santa Clara. Ndeshjet e këtij raundi pritet të zhvillohen më 22 dhe 29 korrik", thuhet në njoftimin e Llapit.

## Brooklyni, në epërsi ndaj Milwaukeees

**MILWAUKEE, 16 QERSHOR** - Brooklyn Netsi merr sërish avantazhin në serinë e gjysmëfinaleve të Konferencës së Lindjes ndaj Milwaukee Bucksit falë një super Kevin Durant. Ish-basketbollisti i Golden State Warriorsit shfaq versionin e tij më të mirë në sfidën e pestë mes këtyre dy skuadrave duke udhëhequr njukurkëzët drejt triumfit me shifrat 114-108. Në "Barclays Center", Kevin Durant ishte thjesht unik me një triple-double spektakolar. 49 pikë, 17 rebounde dhe 10 asistime koleksionoi në total ylli i Brooklynit duke bërë që të mos ndihet aspak mungesa e liderit tjetër Kyrie Irving i dëmtuar.



James Hardeni ndërkohë, i rikthyer pas problemeve fizike, u shfaq poshtë pritshmërive, duke realizuar vetëm 5 pikë në 45 minuta lojë. Milwaukee e nisi shumë më mirë ndeshjen duke

mbyllur periodën e parë në avantazhin e 14 pikëve, një distancë sigurie kjo që u mendua se do të ruhej nga Giannis Antetokounmpo me shokë, sidomos kur në fund të periodës së dytë diferenca shkoi në 16 pikë. Megjithatë, Brooklyni shkëlqeu në dy periodat e tjera duke arritur t'i përmbysë shifrat për fitoren finale me rezultatin 114-108. Te Bucksit, 34 pikët, 12 rikuperimet poshtë tabelës dhe 4 pasimet decizive të grekut Antetokounmpo ishin të pamjaftueshme për ta evituar humbjen. Tashmë seria mes Netsit dhe Bucksit do të zhvendoset në Wisconsin me Milwaukee që do të kërkojë të barazojë në 3-3..

### SHKURT

#### Shaqiri: Për të ardhmen vendosi pas 'Euro 2020'

Xherdan Shaqiri ka zbuluar se do të vendosë për të ardhmen e tij pas Kampionatit Evropian "Euro 2020". Ylli shqiptar që përfaqëson Zvicrën në "Euro 2020" është duke u lidhur me disa skuadra evropiane. 29-vjeçari u bashkua me "The Reds" nga Stoke City në verën e vitit 2018, ndërsa ka shënuar gjashtë herë në 30 paraqitje në sezonin e tij të parë në klub. Por, Shaqiri nuk ka marrë shumë minuta në dy sezonet e fundit, derisa në sezonin e kaluar kishte vetëm shtatë ndeshje nga fillimi. "Unë kam një kontratë atje dhe pas 'Euro 2020', natyrisht, do të flas me agjentin tim. Ne do ta shohim situatën, pastaj do të vendosim se si të veprojmë", ka thënë Shaqiri.

#### Olimpiada, 6 ditë karantinë për sportistët që vijnë nga vende me numër të lartë infektimesh

Edhe pse sportistët që do të marrin pjesë në Lojërat Olimpikë "Tokio 2020" nuk do t'u nënshtrohen masave anti-Covid që ka vendosur qeveria japoneze, për disa prej tyre do të zhvillohet një karantinë. Zëdhënësi i shtypit të Olimpiadës, Masa Takaya, ka thënë se një karantinë gjashtëditore do të aplikohet për delegacionet olimpikë që vijnë nga shtete me numër të lartë infektimesh. Kjo gjë do të vlejë edhe për mediat. "Të gjithë ata që do të mbërrinë nga vende të konsideruara me rrezikshmëri të lartë për shkak të infektimeve do të qëndrojnë për 6 ditë të izoluar në dhomat e tyre si një masë paraprake. Kjo gjë do të vlejë për sportistët, stafet e mediat. Ata që nuk do të zbatohen këtë rregull do të shkualifikohen nga ngjarja. Do të zbatohen të gjitha masat që janë miratuar nga Japonia dhe Komiteti Olimpik Ndërkombëtar", ka thënë Takaya.

#### Ancelotti kërkon tre futbollistë te Reali

Me kthimin e Carlo Ancelottit në stolin e Real Madrid, fillojnë të shfaqen profile që janë të mirëseardhura për trajnerin që kthehet, i cili, sipas asaj që shkruan gazeta spanjolle "Sport", po shikon kampionatin italian. Në fakt, ka tre emra në listën e Realit, dy prej të cilëve në Itali: Manuel Locatelli i Sassuolo, i cili, gjithashtu, pëlqehet nga Juventusit, Nicolo Barella i Interit dhe Kalvin Phillips i Leeds Unitedit, i cili debutoi me Anglinë në Kampionatin Evropian.

#### Gazetari spanjoll: Mbappe në gusht kalon te Reali

Kylian Mbappe do të transferohet te Real Madridi dhe kjo do të ndodhë në muajin gusht. Josep Pedrerol i El Chiringuito këmbëngul për këtë operacion merkatoje. Sulmuesi ka edhe një vit kontratë dhe deri më tani nuk ka rinovuar me PSG-në, ndërkohë dihet që Mbappe e dëshiron shumë një kalim te spanjollët. Pak kohë më parë, presidenti i PSG-së, Al-Khelaifi, shprehet se ylli i tyre nuk do të largohet nga skuadra. "Dua të jem i qartë një herë e mirë: Kylian Mbappe nuk do të largohet nga PSG. Ne nuk do ta shesim kurrë atë dhe ai nuk do të largohet kurrë si lojtar i lirë", kishte deklaruar numri një i PSG-së.

## Premierë Liga publikon listën e ndeshjeve për sezonin hapës 2021/22

Kampioni në fuqi, Manchester City, do të luajë me Tottenham Hotspurin në hapjen e sezonit të Premierë Ligës 2021/22. Brentfordi pret Arsenalin në ndeshjen e tyre të parë të nivelit të lartë, ndërsa klubet e sapopromovuara, Norwich dhe Watford, do të ndeshen me

Liverpoolin dhe Aston Villan. Ndërkohë, Manchester Unitedi do të presë Leeds Unitedin dhe Chelsea do të ndeshet me rivalin e Londrës, Crystal Palace. Derbi i parë do të bëjë bashkë Tottenhamin dhe Arsenalin më 25 shtator. Derbi i parë në Manchester do të jetë në mes të

Manchester Unitedit dhe Cityt më 11 nëntor në "Old Trafford". Chelsea pret Man Cityn më 25 shtator. Manchester Unitedi do të ndeshet me Liverpoolin më 23 tetor si vendas. Nuk dihet ende se sa tifozë do të jenë në gjendje të marrin pjesë në ndeshjet e hapjes së sezonit 2021/22. Java e parë:

Brentford-Arsenal, Burnley-Brighton, Chelsea-Crystal Palace, Everton-Southampton, Leicester City-Wolverhampton, Manchester United-Leeds United, Newcastle United-West Ham United, Norwich City-Liverpool, Tottenham Hotspur-Manchester City, Watford-Aston Villa.



Republika e Kosovës – Kosova Cumhuriyeti  
Republika Kosova – Republic of Kosovo  
Mamuşa Belediyesi – Komuna e Mamushës  
Opština Mamuša – Municipality Of Mamusa



Eğitim Mudurlugu  
Tarih. 17/06/2021

06/L-114 nolu kamu Görevliler Yasasının Bölüm V Madde 67 ve 68'e ve ve eğitim ve öğretim kurumları müdürü ve müdür yardımcısının seçimi için usul ve kriterler hakkındaki 151-2020 nolu İdari Yönergeye dayanarak, Mamuşa Belediyesi Eğitim Müdürlüğü aşağıdaki konkuru ilan eder:

### KONKUR

Boş Çalışma Yeri tamamlamak İçin

Yer: Alt Orta İlköğretim Okulunda Müdür (OIO)  
Kurum: Mamuşa Belediyesi/ Eğitim Müdürlüğü  
Mamuşa "ANADOLU" Alt Orta İlköğretim Okulu  
Pozisyon türü: Kariyer yok  
Pozisyon Sayısı: Bir (1) pozisyon  
Amirin Ünvanı: Eğitim Müdürü  
Derece / Katsayı: Katsayı -7.8  
Çalışma saatleri: 40  
Randevu süresi: 4 yıl

İşyerinin amacı

Eğitim kurumunda eğitim sürecinin yönetimi, organizasyonu ve denetimi

Ana görevler:

- Eğitim alanında yasallığın uygulanması
- Müdürlüğün faaliyeti için orta ve uzun vadeli bir planın geliştirilmesi;
- Eğitim kurumunun yıllık planının, gelişim planının ve yıllık çalışma raporlarının hazırlanması
- Kurumdaki personelin eğitimi;
- Akılca bütçe planlaması ve kullanımı;
- Öğretmenler ve diğer eğitim çalışanları ile ilgili seçim, değerlendirme, disiplin ve diğer konularla ilgili görevler;
- Eğitim yönetimi için bilgi sisteminin verimli ve etkili kullanımı ve karmaşık uygulama kurallarına uygunluk;
- Öğrencilere disiplin cezaları vermek;
- Kurumdaki tüm faaliyetleri planlamak, yönetmek ve koordine etmek;
- Yasalar, yürürlükteki idari talimatlar ve eğitime ilişkin belediye yönetmeliğinden kaynaklanan yükümlülükler ile düzenlenen diğer konular

Koşullar:

- Kosova Cumhuriyeti vatandaşı olmak,
  - Üniversite düzeyinde eğitimi tamamlamış olmak;
  - Eğitim Yönetiminde, idarede yüksek lisans , (300 AKTS yeterliliği, en az 5 yıllık üniversite eğitimi)
  - Yüksek lisans eğitimi (300 AKTS yeterliliği, en az 5 yıllık üniversite eğitimi)  
Dört yıllık bachelor (240 AKTS yeterlik, en az 4 yıllık üniversite eğitimi)
  - Öğretmen lisanslama talimatına göre düzenli bir öğretmen lisansına sahip olmak,
  - KSHL tavsiyesine göre BETB tarafından onaylanan eğitimde liderlik, idare veya yönetim için akredite bir profesyonel yeterlilik programını başarıyla tamamlamış olmak
  - İş kataloğunda tanımlanan talimatlara göre eğitim sürecinde iş tecrübesine sahip olmak:
  - 1. Üst orta öğretim adayları için eğitim sürecinde beş (5) yıllık iş deneyimi;
  - 2. Diğer seviyelerdeki adaylar için eğitim sürecinde dört (4) yıllık iş deneyimi;
  - 3. Müdür yardımcısı adayları için eğitim sürecinde üç (3) yıllık iş deneyimi. eyimi:
- MEÖ meslek okulları ve Yeterlilik Merkezleri için, aday, başvurduğu kurumun ilgili profillerinde profesyonel olarak eğitilmiş olmalıdır.
- Mesleki Eğitim ve Öğretim AAK meslek okulları ve Yeterlilik Merkezleri için, adayın rekabet ettiği kurumun ilgili profillerinde profesyonel olarak eğitilmesi gerekir.

Konkur için gerekli belge Gerekli belgeler:

- Doğum belgesi;
- İlgili seviye için tamamlanan fakülte-yüksek lisans diploması
- İş tecrübesinin kanıtı;
- Profesyonel portföy;
- Güvenilir bir kamu kurumundan gelen referans mektubu (Eğitim, Bilim ve Teknoloji Bakanlığı, BEM, Okul Yönetim Kurulu, önceki işveren, Yüksek Öğretim Kurumları gibi).
- Referans mektuplarında önceki çalışma ve taahhütlerin kanıtı bulunmalıdır;
- EBTB'nin talimatlarına göre başvurduğu eğitim ve öğretim kurumunun gelişim planı (1.5 boşluklu en az 10 sayfa metin, 12 punto: Arial);
- Ruhsatlı bir sağlık kuruluşu tarafından verilmiş sağlık durumunu kanıtlayan sağlık belgesi;
- Soruşturma altında olmadığına dair kanıt;
- Kimlik kartının kopyası.

Konkur 17.06.2021 - 01.07.2021 tarihleri saat 16:00 arasında 15 gün süreyle açık kalır.

İlgilenen tüm adaylar, başvuruları Mamuşa Belediyesi Binasında 7 nolu ofisinde alabilirler veya bunları <https://kk.rks-gov.net/mamushe/> Mamuşa Belediyesi'nin resmi web sitesinden veya <https://konkursi.rks-gov.net/> ve devlet portalı adresinden indirebilirsiniz ve tamamlayarak Mamuşa Belediyesi Binasında 7 nolu ofisinde teslim etmelisiniz.

Konkur şartlarını karşılamayan adayların belgeleri incelenmeyecek, sadece dar listeden adaylar mülakata davet edilecektir.

Kosova Cumhuriyeti içindeki özel kolejlerde yan yana sıra Kosova Cumhuriyeti Devleti dışında eğitimini tamamlayan ve bu pozisyonlar için rekabet eden tüm adaylar, diplomalarının (alınan üniversite dereceleri) 10.09.2018 tarih 12/2018 sayılı idari talimat uyarınca Eğitim, Bilim ve Teknoloji Bakanlığı tarafından tanınmalıdır , aksi takdirde, komisyon başvuruların seçimi sırasında, konkurun bu koşulunu sağlamayan adayların tüm başvuruları red edecektir.



Republika e Kosovës – Kosova Cumhuriyeti  
Republika Kosova – Republic of Kosovo  
Mamuşa Belediyesi – Komuna e Mamushës  
Opština Mamuša – Municipality Of Mamusa



Drejtoria e Arsimit  
Dt. 17/06/2021

Në bazë të Ligjit për Zyrarët Publikë Nr.06/L-114, Kapitulli V neni 67 dhe 68,si dhe në bazë të Udhëzimit Administrativ nr.151-2020 për procedurat dhe kriteret e zgjedhjes së drejtorit dhe të zëvendës drejtorit të institucioneve edukativo-arsimore dhe aftësuese, Drejtoria Komunale e Arsimit në Mamushë, shpall :

### KONKURS PËR PLOTËSIMIN E VENDEVE TË LIRA TË PUNËS

Titulli i vendit të punës: Drejtor në Shkollën Fillore të Mesme të Ulët (SHFMU)

Institucioni: Komuna e Mamushës / Drejtoria e Arsimit  
SHFMU "Anadolu" Mamushë,  
Lloji i pozitës: Jo karrierës  
Numri i Pozitave: Një(1) pozitë  
Titulli i mbikëqyrësit: Drejtori i Arsimit  
Grada/Koeficienti: Koeficienti -7.8  
Orët e punës: 40  
Kohëzgjatja e emërimit: 4 vite

Qëllimi i vendit të punës

Menaxhimi, organizimi dhe mbikëqyrja e procesit arsimor në institucionin edukativo arsimor.

Detyrat Kryesore:

- Zbatimi i ligjshmërisë në fushën e arsimit
- Zhvillimin e një plani afatmesëm dhe afatgjatë për aktivitetin e drejtorisë;
- Përgatitjen e planit vjetor, planit zhvillimor të institucionit edukativo-arsimor dhe raportet vjetore të punës
- Aftësimin e personelit në Institucion;
- Planifikimin dhe shfrytëzimin racional të buxhetit;
- Detyrat e caktuara për zgjedhjen, vlerësimin, disiplinën dhe çështjet e tjera që kanë të bëjnë me mësimdhënësit dhe punëtorët e tjerë të arsimit;
- Përdorimin efikas dhe efektiv të sistemit të informatave për menaxhimin e arsimit dhe respektimin e kodeve të ndërluara të praktikës;
- Kaktimine masive disiplinore ndaj nxënësve;
- Planifikimin, udhëheqjen dhe koordinimin të gjitha aktiviteteve në Institucion;
- Çështjet e tjera që rregullohen përmes ligjeve,udhëzimit administrative në fuqi dhe obligimet që dalin nga rregullorja e komunës për arsim

Kushtet:

- Të jenë shtetas të Republikës së Kosovës,
- Të kenë të kryer arsimin universitar të nivelit;
- 1. Master për udhëheqje, administrim ose menaxhim në arsim(kualifikimi prej 300 ECTS, së paku 5 vite të shkollimit universitar)
- 2. Master arsimor ( kualifikimi prej 300 ECTS, së paku 5 vite të shkollimit universitar)
- 3. Katërvjeçar (kualifikimi prej 240 ECTS, së paku 4 vite të shkollimit universitar) 4.Bachelor katërvjeçar (kualifikimi prej 240 ECTS, së paku 4 vite të shkollimit universitar)Të kenë licencë të rregullt të mësimdhënësit sipas udhëzimit për licencim të mësimdhënëseve,
- Të kenë të përfunduar me sukses një program të akredituar të kualifikimit profesional për udhëheqje, administrim ose menaxhim në arsim të aprovuar nga MASHT sipas rekomandimit KSHL
- Të ketë përvojë pune në procesin edukativ –arsimor sipas udhëzimeve të përcaktuara në katalogun e punës:
- 1. Pesë (5) vite përvojë pune në procesin edukativo-arsimor për kandidatët për arsimin e mesëm të lartë;
- 2. Katër (4) vite përvojë pune në procesin edukativo-arsimor për kandidatët në niveleve tjera;
- 3. Tri (3) vite përvojë pune në procesin edukativo-arsimor për kandidatët për zëvendës drejtor.

Për shkollat profesionale të AAP dhe Qendrat e Kompetencës, kandidati/ja duhet të jetë me përgatitje profesionale të profileve përkatëse të institucionit ku konkurren.

Dokumentet e nevojshme:

- Certifikata e lindjes;
- Diploma e fakultetit-masterit të kryer për nivelin përkatës
- Dëshminë për përvojën e punës;
- Portofolin profesionale;
- Letër referencë nga një institucion publik –kredibil (si Ministria e Arsimit Shkencës dhe Teknologjisë, DKA, Këshilli Drejtues i Shkollës, punëdhënësi paraprak, Institucionet e Arsimit të lartë).
- Letra të referencës duhet të kenë përmbajtje dëshmuese për punën dhe angazhimet paraprake;
- Planin zhvillimor të institucionit edukativo arsimor dhe aftësuese për të cilin ka konkurruar (së paku 10 faqe tekst me hapësirë 1.5, fonti i shkronjave 12: Arial) sipas udhëzimeve të MASHT-it;
- Certifikatën shëndetësore të lëshuar nga një institucion shëndetësori licencuar me të cilën dëshmohet gjendja e tij/saj shëndetësore;
- Dëshminë se nuk është nën hetim;
- Kopja e letërnjoftimit.

Konkursi mbetet i hapur 15 ditë nga data 17.06.2021 deri me 01.07.2021

Të gjithë kandidatët e interesuar, aplikacionet mund ti marrin në formë fizike në Zyra nr. 7 Objekti I Komunes se Mamushës, apo ti shkarkojnë nga web faja zyrtare e Komunës së Mamushës <https://kk.rks-gov.net/mamushe/> dhe portali shtetëror <https://konkursi.rks-gov.net/> dhe të plotësoara ti dorëzojnë në zyra nr. 7 Objekti I Komunes se Mamushës.

Dokumentacioni i kandidatëve të cilët nuk i plotësojnë kushtet e konkursit nuk do të shqyrtohet, ndërsa në intervistë do të ftohen vetëm kandidatët nga lista e ngushtë.

Të gjithë kandidatët të cilët kanë mbaruar studimet jashtë Shtetit të Republikës së Kosovës si dhe nëpër kolegjet private brenda Republikës së Kosovës, e që konkurrojnë për këto pozita, duhen që diplomat e tyre ( gradat universitare të fituara) të jenë të njohura nga Ministria e Arsimit, Shkencës dhe Teknologjisë në pajtim me udhëzimin administrativ, nr.12/2018 të datës 10.09.2018, në të kundërtën komisioni gjatë selektimit të aplikacioneve, do të refuzoj çdo aplikacion të kandidatëve të cilët nuk e kanë plotësuar këtë kusht të konkursit



Republika e Kosovës – Kosova  
Republika Kosovo – Republic of Kosovo  
Mamuša Beledijesi – Komuna e Mamushës  
Opština Mamuša – Municipality Of Mamusa



Direktoriat Prosvetah  
Dt. 17/06/2021

Na osnovu Zakona o javnim službenicima br.06 / L-114, poglavlje V, članova 67 i 68, kao i na osnovu Administrativnog uputstva br. 15/2019, o postupcima i kriterijima za izbor direktora i zamenika direktora edukativno obrazovnih institucija, opština u Kamenica, objavljuje:

### KONKURS ZA POPUNJENJE SLOBODNIH RADNIH MESTA

I. Naziv radnog mesta: Direktor u Osnovnoj srednjoj nižoj školi (OSNŠ)

OSNŠ "Anadolu" Mamusa,  
Institucija: Opština Mamusa  
Odeljenje/Uprava: Uprava za obrazovanje  
Vrsta pozicije: Ne u karijeri  
Broj pozicija: Jedan (1) pozicija  
Naziv nadzornog: Direktor obrazovanja  
Nivo/Koeficijent: Koeficijent - 7.8  
Radni sati: 40 casa  
Trajanje imenovanja: 4 godin

#### Svrha radnog mesta

Upravljanje, organizacija i nadzor obrazovnog procesa u edukativno-obrazovnoj ustanovi. Glavni zadaci:

- Implementacija zakonitosti u oblasti obrazovanja;
- Izrada srednjoročnog i dugoročnog plana aktivnosti uprave;
- Priprema godišnjeg plana, razvojnog plana edukativno-obrazovne institucije igodišnjeg izveštaja rada;
- Obuka osoblja u ustanovi;
- Racionalno planiranje i korišćenje budžeta;
- Određene dužnosti za izbor, procenu, disciplinu i druga pitanja vezana za nastavnike idruge radnike u obrazovanju;
- Efikasno i efektivno korišćenje informacionog sistema za upravljanje obrazovanjem i poštovanje kodeksa složene prakse;
- Određivanje disciplinskih mera prema učenicima;
- Planiranje, vođenje i koordiniranje svih aktivnosti u ustanovi;
- Druga pitanja koja se regulišu putem zakona i obaveze koje proizilaze iz opštinskog pravilnika za obrazovanje.

#### Uslovi:

- Da bude državljanin Republike Kosova;
  - Da ima završeno određeno univerzitetsko obrazovanje;
1. Master za upravljanje, administraciju ili menadžment u obrazovanju (kvalifikacija od 330 ECTS, najmanje 5 godina univerzitetskog obrazovanja)
  2. Master obrazovanje (kvalifikacija od 300 ECTS, najmanje 5 godina univerzitetskog obrazovanja)
  3. Četiri godine obrazovanje (kvalifikacija od 240 ECTS, najmanje 4 godine univerzitetskog obrazovanja)
  4. Četverogodišnje obrazovanje Bachelor (kvalifikacija od 240 ECTS, najmanje 4 godine univerzitetskog obrazovanja)
    - Da ima redovnu nastavničku licencu prema uputstvu za licenciranje nastavnika,
    - Da je uspešno završio/la akreditovani program stručne kvalifikacije za rukovodjenje, administraciju ili upravljanje u obrazovanju koji je odobrio MONT prema preporuci DSL
    - Da ima radno iskustvo u obrazovnom procesu prema uputstvima definiranim u radnom katalogu:
1. Pet (5) godina radnog iskustva u obrazovnom procesu za kandidate za vise srednjoškolsko obrazovanje;
  2. Četiri (4) godine radnog iskustva u obrazovnom procesu za kandidate na ostalim nivoima;
  3. Tri (3) godine radnog iskustva u obrazovnom procesu za kandidate za zamenikadirektora.

#### Potrebni dokumenti:

- Izvod rodjenih
- Diploma fakulteta za odgovarajući završeni nivo
- Dokaz o radnom iskustvu
- Profesionalni portfolio
- obrazovanja).
- Referentna pisma treba da imaju sadržaj- dokaz o radu i prethodnom angažmanu;
- Razvojni plan ustanove za obrazovanje i osposobljavanje za koju se prijavljuje (najmanje 10 stranica teksta sa razmakom 1.5, font 12: Arial) prema uputstvima MONT-a;
- Zdravstveni certifikat izdat od strane javne zdravstvene ustanove kojim se potvrđuje njegov / njen zdravstveni status;
- Dokaz da nije pod istragom;
- Kopija lične karte.

Konkurs je otvoren 15 dana od 17.06.2021 do 01.07.2021, (16:00).

Svi zainteresovani kandidati trebaju preuzeti aplikacije i popunjene dostaviti kancelariji br. 7 zgrade u Opštini Mamusa. Dokumentacija kandidata koja ne ispunjava uslove konkursa neće biti razmatrana, dok će na intervju biti pozvani samo kandidati sa uže liste. Svim kandidatima koji su završili studije van Republike Kosova, kao i na privatnim koledžima u Republici Kosovo, a koji konkurisu za ove pozicije, diplome (stečene univerzitetske diplome) moraju biti priznate od strane Ministarstva prosvete, nauke i tehnologije u skladu sa Administrativnim uputstvom br. 151/2020 od 24.12.2020 godine jer ce u suprotnom komisija za izbor aplikacija odbiti svaku aplikaciju kandidata koji nisu ispunili ovaj uslov konkursa. Rezultati se objavljuju na ovaj link: <https://konkursi.rks-gov.net>



Republika e Kosovës  
Republika Kosovo - Republic of Kosovo  
Komisioni Qendror i Zgjedhjeve  
Centralna Izborna Komisija  
Central Election Commission



### NJOFTIM PËR VAZHDIMIN E AFATIT TË KONKURISIT

Në bazë të nenit 66 dhe 67 të Ligjit nr. 03/L-073, për Zgjedhjet e Përgjithshme në Republikën e Kosovës, Rregullores nr. 01/2017 për organizimin e brendshëm dhe sistematizimin e vendeve të punës në Sekretariatit e Komisionit Qendror të Zgjedhjeve, Rregullores nr. 03/2017 për procedurat e rekrutimit, emërimit dhe punës provuese neni 15, paragrafi 3, në Sekretariatit e Komisionit Qendror të Zgjedhjeve, përkatësisht për arsye të mos arritjes së balancuar të kandidateve në aspektin etnik, njoftohen të gjithë aplikantët, për zgjatjen e afatit të konkursit të datës 27.05.2021, edhe për shtatë (7) ditë të tjera, i cili është publikuar në gazetën ditore "Koha Ditore" dhe "Epoka e Re" për pozitën:

1. **KOZ-03/2021 Zvrtar i Lartë Komunal i Zgjedhjeve në Mamushë**
2. **KOZ-04/2021 Zvrtar i Lartë Komunal i Zgjedhjeve në Lipjan**

Përbajtja e konkursit mbetet e njëjtë me konkursin e shpallur në datën e lartëshenuar. Konkursi mbetet i hapur shtatë (7) ditë kalendarike nga dita e publikimit, përkatësisht deri me datën **23 qershor 2021**.

Kërkesat e dërguara pas kalimit të afatit për aplikim dhe ato të pakompletuara, nuk do të shqyrtohen.

Për informata shtesë, ju lutem kontaktoni në numrin e telefonit 038 200 23 557.

### OBAVEŠTENJE O PRODUŽENJU ROKA KONKURSA

Na osnovu člana 66. i 67. Zakona br. 03/L-073, o opštim izborima u Republici Kosovo, Uredbe br. 01/2017 o unutrašnjoj organizaciji i sistematizaciji radnih mesta u Sekretarijatu Centralne izborne komisije, Uredbe br. 03/2017 o procedurama regrutovanja, imenovanja i probnom radu, članu 15, stav 3, u Sekretarijatu Centralne izborne komisije, usled nepostizanja uravnoteženog broja prijavljenih kandidata u etničkom aspektu, obaveštavaju se svi prijavljeni o produženju roka konkursa od datuma 27 maj 2021 godine, za još sedam (7) dana, koji je objavljen u dnevnom novinama "Koha Ditore" i "Epoka e Re" za poziciju:

1. **CIK-03 /2021 Viši Službenik Opštinske Izborne Komisije u Mamuši**
2. **CIK-04/2021 Viši Službenik Opštinske Izborne Komisije u Lipjanu**

Sadržaj konkursa ostaje isti kao u konkursu objavljenom na gore navedeni datum. Konkurs će biti otvoren sedam (7) kalendarskih dana od dana objavljivanja, odnosno do **23 juna 2021**.

Zahtevi podneti nakon isteka roka za prijavu, i nepotpuni zahtevi neće biti razmotreni. Za dodatne informacije, molimo vas pozovite broj telefona: 038 200 23 557.

### NJOFTIM

Njoftojmë të gjithë klientët se "FU Ads" SH.P.K. Arlind Emini, ka marrë vendim të shuaj biznesin me nr. 810152257 dhe ka caktuar likuidatorin për zhvillimin e procedurës së Likuidimit. Njoftohen të gjithë klientët që kanë raporte Kreditore - Debitorë në këtë korporatë që të paraqiten në afatin 30 ditore nga data e shpalljes në gazetë.

### OBAVEŠTENJE

Obavestavanje se svi klienti da društvo sa "FU Ads" D.O.O. Arlind Emini, donelo odluku o prestani rada sa nr. 810152257, ujedno imenovao Likvidatora o sprovođenju postupka likfidacije. Obavestavaju se svi klienti koji imaju obaveze i potraživanja u navedenoj firmi, da se jave u roku od 30 dana od dana objavljivanja o novine.

### ANNOUNCEMENT

All clients are to be informed that the "FU Ads" L.L.C. Arlind Emini, has come to the decision to quit its nr. 810152257, the company has appointed a liquidator who is going to oversee the liquidator process. All clients who have the mortgage - mortgage accounts in this company are kindly request to show up within 30 days starting from the day of newspaper announcement- publication.



Republika e Kosovës - Republika Kosova - Republic of Kosovo  
 Qeveria - Vlada - Government  
 Ministria e Financave, Punës dhe Transferëve - Ministarstvo Finansija, Rada i Transfera -  
 Ministry of Finance, Labour and Transfers  
 Administrata Tatimore e Kosovës - Poreska Administracija Kosovo - Tax Administration of Kosovo



16.06.2021

**Njoftim për tatimpagues**

**Aktivite intensive – Përbushja në Sektorin e Ndërtimtarisë**

Administrata Tatimore e Kosovës, ri-njofton të gjithë personat të cilët merren me aktivite afariste, se në bazë të legjislacionit tatimor janë të detyruar të regjistrohen, pajisen me Numër Identifikues të Biznesit / Numër Fiskal, deklarojnë dhe paguajnë tatimet (bazuar në statusin e tyre) dhe të mbajnë Tatimin në Burim dhe Kontributet Pensionale për punëtorët e tyre.

Bazuar në Planin Strategjik 2021-2025 dhe Planin e Trajtimit të Rreziqeve për vitin 2021, ATK ka hartuar Planin e Veprimit për trajtimin e subjekteve që ushtrojnë aktivite në lëmin e ndërtimit, me qëllim të identifikimit të personave të cilët nuk përbushin detyrimet e tyre tatimore në përputhje me kërkesat e legjislacionit tatimor.

ATK do të vazhdojë me Projektin "Përmirësimi i Përbushjes në Sektorin e Ndërtimtarisë", sipas qasjes holistike në trajtimin e riskut, ku në fokus të veçantë, do të identifikohet veprimtaria ndërtimore, si në vijim:

Grupi i synuar	Objektivat
<ul style="list-style-type: none"> <li><b>Ndërtimi i ulët dhe i lartë</b></li> <li>Bizneset, grupet punuese dhe personat fizikë në kuadër të veprimtarisë së ndërtimtarisë, si:</li> <li>Muratorët, Armaturë punuesit, Betonime, Gërmimet e dheut, Punuesit e kulmeve, Prodhimi dhe montimi i deryeve dhe dritareve, Elektricitet, Instaluesit e ujit dhe ngrohjes qendrore, Montuesit e parketit/laminatit, Montuesit e qeramikës, Suvatuesit – fasada, Prodhimi dhe montimi i olluqeve, rrethojave të balkonëve, shkallëve dhe rrethojave të oborreve nga metalet e ndryshme dhe druri, etj.</li> </ul>	<ul style="list-style-type: none"> <li>Verifikimi i regjistrimit të aktivitetit</li> <li>Verifikimi i lëshimit të kuponëve fiskal / faturave tatimore</li> <li>Verifikimi i Pasqyrave financiare – Fitimit Bruto / Neto</li> <li>Verifikimi i deklarimeve / qarkullimit real</li> <li>Verifikimi i shpenzimeve reale kundrejt qarkullimit – Fitimit Bruto / Neto të deklaruar</li> <li>Verifikimi i pagesave në Tatimet Direkte</li> <li>Verifikimi i pagesave të TVSh-së</li> <li>Verifikimi i numrit të punëtorëve – Pagesave të Tatimit në Paga dhe Kontribute Pensionale</li> <li>Verifikimi i humbjes së vazhdueshme</li> <li>Verifikimi i kreditimit të vazhdueshëm</li> <li>Verifikimi i pagesave kundrejt fitimit</li> <li>Verifikimi i investimeve</li> <li>Regjistrimi i stokut</li> <li>Identifikimi i mallrave pa origjinë dhe dokumenteve fiktive</li> <li>Etj.</li> </ul>

ATK, ju inkurajon që t'i përgjigjeni detyrimeve tatimore, në të kundërtën, do të ndërmerren masat ndëshkuese të përcaktuara me legjislacionin tatimor. Me kryerjen e detyrimeve tuaja tatimore, ju kontribuoni direkt në ofrimin e shërbimeve publike, arsimim me standarde të larta, shërbime më të mira shëndetësore dhe sociale, mbrojtje ligjore dhe siguri, si dhe infrastrukturë të përgjithshme për një mirëqenie të qëndrueshme ekonomike dhe shoqërore.

*Faleminderit që paguani tatimin dhe kontribuoni në zhvillimin e vendit tonë!*  
**Administrata Tatimore e Kosovës**



**Gjej PUNË**

- Lajme nga tregu i punes
- Shërbime shkrimi

Gjej Punë ofron shërbime drejtë përgaditjes së:

- CV-së
- Letrën Motivuese
- Parapregaditje për intervistë



[www.facebook.com/gjejpuneshpejte](http://www.facebook.com/gjejpuneshpejte)

**RESTAURANT**

**SWISS**

**TAVERNA**

Tel: +377 45 400 156

+386 49 848 553

PRISHTINË

**>> SHPALLJE TË VOGLA <<**

► "Grill Sarajeva" SH-Y O.P. shpall të pavlefshme certifikatën e biznesit me nr. 70388095 nr. Identifikues 810547127 si dhe me nr fiskal 600381727.

► Fatmir Kryeziu shpall te pavlefshme dëftesat e kl I - VIII shfmu " Fadil Hisari " Prizren.

► Driton Bytyqi shpall te pavlefshme dëftesat dhe diplomën shmlt "11 Marsi " Prizren.

► Testim Eger shpall te pavlefshme dëftesat e kl VI - pX shfmu " Emin Duraku " Prizren.

► "3 MIX" SH.P.K. me nr. 810774655 bënë zvogëlim të kapitalit nga 950,000.00 në 5,000.00.

► "FU Ads" SH.P.K. shpall të pavlefshme certifikatën e biznesit me numër: 810152257, Aelind Emini Gjilan.

► Dion Këndusi shpall te pa vlefshme dëftesat e kl.X,XI,XII dhe diplomën e Gjmnazit " Hajdar Dushi " në Gjakovë.

► Leonita Arllati shpall te pa vlefshme dëftesat e kl. X,XI,XII dhe diplomën e Gjmnazit " Hajdar Dushi " në Gjakovë.

► Egzon Afrim Hasi shpall te pa vlefshme diplomën e Kolegjit " AAB " në Prishtinë - Gjakovë.

► Jap banesë me qira afër 60 m2, kati III-Lagja Mati 1 Rr.Z3-Si Theodor Muzaka nr.14. në Prishtinë. Banesa posedon dhoma gjumi dhe sallon, kuzhinë, korridor banjo ballkon . Banesa është e mobiluar komplet, preferoj ta jap banesën me qira për afat të gjatë. Tel: +38344185233.

► Lëshoj banesë me qira në lagjen "Dardania" në Prishtinë. Banesa ka 50 m2, me inventar të kompletuar, banesa ka kuzhinë me sallon, teras, banjo një dhomë gjumi, shpajz dhe korridor, banesa lëshohet për një qift ose për dy vajza. Tel: 044171328.

► Lëshoj shtëpinë me qira në lagjen Velania, pa pagesë sepse shtëpia ka nevojë për përkujdesje ndërsa shpenzimet mujore ti bëjë vetë banuesi si: ujë rrym bërlllok, Tel: 044-608-626.

► Lëshoj banesë me qira për student apo familjar në lagjen "Mati 1" Rr. "Muharrem Fejza", banesa është 70 m2 dhe i plotëson të gjitha kushtet, kati dytë ndërtim i ri tel: 044-686-900.

► Lëshoj banesë me qira, banesa është ndërtim i ri dhe gjendet në lagjen "Mati 1" rruga "Muharrem Fejza" Prishtinë. Tel: 044-686-900.

► Lëshoj banesë me qira në lagjen "Mati 1" përball "Super Vivës", me sipërfaqe mbi 50 m2, kati dytë me ngrohje, klimë, ashensorë etj, çmimi 200 Euro. Tel: 044-185-233.

► Lëshoj banesë me qira garsoniere në Ulpian kati i parë, posedon tre shtretër dhe e mobiluar. Preferohet për studenta ose studente, një qift apo të tjerë. Çmimi është 185 euro. Tel: 044-812-875.

► Lëshoj garsonjer me qira në lagjen Ulpiana kati i parë. Banesa është e mobiluar dhe i plotëson të gjitha kushtet për banim, preferohet për një qift apo tre studentë, mund të merret për kohë të shkurt apo të gjatë. Çmimi është 180 Euro. Tel: 044-812-875.

► Urgjentisht kërkoj një banesë me qira ne Prishtine. Banesa duhet të ketë 1 ose 2 dhoma gjumi e mobiluar ose bënë edhe e pa mobiluar. Çmimi prej: 200-250 €. Tel: 045-660-188

► Lëshoj lokalin më qira. Lokal është i pasitur më të gjitha kushtet përcjellëse. Lokal gjendet në lagjen e Boshnjakëve në Mitrovicë. Për informata më të hollësishme mund të na kontaktoni në këtë numër të telefonit: 049-392-275

► Lëshoj banesë me qira në Lagjen Dardania afër "Bill Clintonit", kati tretë, banesa posedon të gjitha kushtet elementare, dy dhoma, kuzhinë e veçanet me pamje nga parku me çmim sipas marrëveshjes tel: 045-891-338 ose 049-616-139

► Lëshoj banesën me qira në lagjen Bregu i Diellit te Furra "Qerimi2", i ka dy dhoma të fjetjes, sallon me kuzhinë, shpajz dhe dy ballkone. Për info 044/332-640.

► Lëshoj banesën me qira në lagjen Bregu i Diellit te Furra Qerimi2, i ka dy dhoma të fjetjes , sallon me kuzhinë, shpajz dhe dy ballkone. Për info 044/332-640.

► Lëshoj banesën me qira e cila gjendet prapa AAK-së me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e tel: viber +37744162783 dhe 049/900-994.

► Lëshoj banesën me qira ne lagjen Bregu i Diellit 2 te banesat e bardha, afër Shkollës Iliria banesa është dy dhomshe e mobiluar komplet, për info lajmërohuni në tel: 044/262-940 dhe 049/ 737-867.

► Lëshoj banesën me qira, e cila gjendet prapa AAK-së, me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e telefonit: 044-162-783.

► Lëshohet banesa me qira ne qendër të Prishtinës afër Sheshit Zahir Pajaziti, banesa është dy dhomshe e mobiluar, lëshohet me qira prej 1 qershori deri me 1 gusht (dy muaj), çmimi sipas marrëveshjes. Për informata në tel. 044/171-328.

► Lëshoj banesën e re me qira në qendër prapa teatrit Kombëtar, me sipërfaqe prej: 60 m2. Banesa ka një dhomë gjumi, sallon dhe kuzhinë. Ka të gjitha pajisjet. Çmimi: 300 Euro. Banesa lëshohet për afate të gjata dhe të shkurtra. Informata në tel: 049\44-888-801 (viber)

► Lëshoj banesë me qira, penthouse. Banesa gjendet te Rrethi i Veternikut në Prishtinë. Banesa ka 150 m2, dhe ka 3 dhoma, dy banjo, 2 garazha si dhe shpajz. Për info mund të na kontaktoni në këtë nume të tel: 049-440-466.

► Lëshoj banesën një dhomshe me qira , ne lagjen Dardania afër Postës Kryesore (posta e Madhe) Kroi i Bardhe, banesa është e mobiluar tërësisht. Për informata lajmërohuni në tel: 044/558-894 Prishtinë.



Republika e Kosovës - Republika Kosova - Republic of Kosovo  
Qeveria - Vlada - Government  
Ministria e Financave, Punës dhe Transfereve - Ministarstvo Finansija, Rada i Transfera -  
Ministry of Finance, Labour and Transfers  
Administrata Tatimore e Kosovës - Poreska Administracija Kosovo - Tax Administration of Kosovo

### NJOFTIM I SHITJES ME OFERTA TË MBYLLURA OBAVEŠTENJE O PRODAJI SA ZATVORENIM PONUDAMA

Sipas Ligjit Nr. 03/L-222 Neni 34 , pasuria e përshkruar më poshtë është konfiskuar për mos pagesë të tatimit, nga Mbledhja e Detyruar e Tatimit. Pasuria do të shitet me ankand të ofertave të mbyllura sikurse është rregulluar në "Ligjin 03/L-222 për Administratën Tatimore dhe Procedurat" dhe Udhëzimin administrativ nr. 15/2010 , neni 37.

Prema Zakonu br. 03 / L-222 Član 34, imovina opisana u nastavku oduzeta je zbog neplaćanja poreza, prinudnom naplatom poreza. Imovina će se prodati na aukciji zatvorenih ponuda kako je regulisano u „Zakonu 03 / L-222 o Poreska uprava i postupci “i Administrativno uputstvo br. 15/2010, član 37.

Ofertat do të hapen: 23.06.2021 (E merkurë) ora 11:00 Vendi i shitjes: Departamenti për Menaxhimin e Mbledhjes së Borxheve. Veternik prapa Albi Mallë ngjitur me Doganë .Rr.Hasan Hasani Nr 40- Prishtinë.

Ponude će biti otvorene: 23.06.2021 (Sredak) 11:00 sati Mesto prodaje: Odeljenje za upravljanje naplatom dugova Veternik iza Albi Malle pored Carine, ul. Hasan Hasani Nr. 40 - Priština .

Përshkrimi i Pasurisë /Opis imovine: N.P.N.FATLINDI NF.600338249 Ferizajë/Uroševac

- Lokal Afarist me sipërfaqe 430 m<sup>2</sup>-që gjendet në prishtinë,Rr.Muhamed Qami hyrja 1 lokali në përdhës i ndertuar në ngastren kadastrale P-71914050-00848-1,P-71914050-00848-2,P-71914050-00848-3 dhe P-71914050-00849-1 dhe në bazë të lejes së ndërtimit nr.05 Nr.351-27241.  
Poslovni prostor površine 430 m<sup>2</sup> koji se nalazi u Prištini, ul. Muhamed Čami ulaz 1 prizemlje prostorije izgrađene na katastarskim parcelama P-71914050-00848-1, P-71914050-00848-2, P-71914050-00848-3 i P-71914050-00849-1 i na osnovu građevinske dozvole br.05 No351-27241.
- Lokal Afarist me sipërfaqe 483-m<sup>2</sup>-Zona kadastrale-P-72217092-02395-0 Ferizajë,Rr.12 Qershori. lloji i njësisë-Pjesa e Ndërtesës ,Kati P  
Poslovni prostor površine 483 m<sup>2</sup>-katastarska zona-P-72217092-02395-0 Uroševac, ul. 12 Juni tip jedinice-Deo zgrade, sprat P.
- Lokal Afarist me sipërfaqe 209 m<sup>2</sup> – Zona kadastrale P-72217092-03110-0.Ferizaj Rr.12 Qershori. lloji i njësisë-Pjesa e Ndërtesës ,Kati P  
Poslovni prostor površine 209 m<sup>2</sup> - Katastarska zona P-72217092-03110-0, Uroševac ul.12. Juni vrsta jedinice-Deo zgrade, sprat P.
- Lokal Afaristë me sipërfaqe 386 m<sup>2</sup> P-72217092-02393-10 Ferizaj Rr.12 Qershori. lloji i njësisë-Pjesa e Ndërtesës ,Kati Përdhës  
Poslovni prostor površine 386 m<sup>2</sup> P-72217092-02393-10 Uroševac ul. 12.juni. vrsta celine-Deo zgrade, prizemlje

Çmimi fillestarë për Lokalin me numër në bazë të lejes së ndërtimit nr.05 Nr.351-27241,është 2500 € për një metër katrorë.

Početna cena za prostor sa brojem na osnovu građevinske dozvole br.05 br. 351-27241, iznosi 2500 € po kvadratnom metru.

Çmimi fillestarë për Lokalin me numër: P-72217092-02395-0,është 2000 € për një metër katrorë.

Početna cena za prostor sa brojem: P-72217092-02395-0 iznosi 2000 € po kvadratnom metru.

Çmimi fillestarë për lokalin me numër: P-72217092-03110-0, është 2000 € për një metër katrorë.

Početna cena za prostor sa brojem: P-72217092-03110-0 iznosi 2000 € po kvadratnom metru.

Çmimi fillestarë për Lokalin me numër: P-72217092-02393-10 , është 2000 € për një metër katrorë.

Početna cena za restoran sa brojem: P-72217092-02393-10 iznosi 2000 € po kvadratnom metru.

Kushtet e pjesëmarrjes: kushti i pjesëmarrjes në ankand, kur kemi shitje të pasurisë së paluajtshme është paradhënia (garancia bankare) në shumën 10% të detyrimeve tatimore të pa paguara të tatimpaguesit. Paraqitja e Ofertave: Të gjitha ofertat qartë duhet të identifikojnë pasurinë e ofruar, shumën e ofertës, emrin, adresën dhe numrin e llogaris bankare të individit apo entitetit që paraqet ofertën, Ofertat duhet të pranohen në pliko (zarf) të mbyllur përpara datës dhe kohës të specifikuar më lartë. /Uslovi učešća: Uslovi učešća u licitaciji, kada se radi e nepokretnoj imovini, je avans (bankarska garancija) u iznosu od 10% neisplaćenih poreskih obaveza poreskog obveznika. Dostavljanje ponuda: Sve ponude jasno identifikuju ponudjenu imovinu, iznos ponude, ime, adresu, i broj bankarskog računa pojedinca ili entiteta koji dostavlja ponudu treba da se primaju u zatvoreni pliko (koverat) pre gore specificiranog datuma i vremena .

Pasuria mund të inspektohet në/ Imovina može da se pregleda u : Čdo dite pune prej orës 9:00 deri 15:00 nga data.15.06.2021 deri më datën 22.06.2021 dhe mund të kontaktoni personat zyrtar në tel mobil: 044-344-430; 044-354-276; 043-877-877/ Svakim radnim danom od 9:00 do 15:00 od 07.06.2021 do 20.06.2021, a službenike možete kontaktirati na mobilni telefon: 044-344-430; 044-354-276; 043-877-877.

Departamenti për Menaxhimin e Mbledhjes së Borxheve-Prishtinë  
Odeljenje za upravljanje naplate duga-Prishtina

MD-029

Data 15.06.2021



Republika e Kosovës - Republika Kosova - Republic of Kosovo  
Qeveria - Vlada - Government  
Ministria e Financave, Punës dhe Transfereve - Ministarstvo Finansija, Rada i Transfera -  
Ministry of Finance, Labour and Transfers  
Administrata Tatimore e Kosovës - Poreska Administracija Kosovo - Tax Administration of Kosovo

### NJOFTIM I SHITJES ME OFERTA TË MBYLLURA OBAVEŠTENJE O PRODAJI SA ZATVORENIM PONUDAMA

Sipas Ligjit Nr. 03/L-222 Neni 34 , pasuria e përshkruar më poshtë është konfiskuar për mos pagesë të tatimit, nga Mbledhja e Detyruar e Tatimit. Pasuria do të shitet me ankand të ofertave të mbyllura sikurse është rregulluar në "Ligjin 03/L-222 për Administratën Tatimore dhe Procedurat" dhe Udhëzimin administrativ nr. 15/2010 , neni 37.

Prema Zakonu br. 03 / L-222 Član 34, imovina opisana u nastavku oduzeta je zbog neplaćanja poreza, prinudnom naplatom poreza. Imovina će se prodati na aukciji zatvorenih ponuda kako je regulisano u „Zakonu 03 / L-222 o Poreska uprava i postupci “i Administrativno uputstvo br. 15/2010, član 37.

Ofertat do të hapen për herën dytë(2) /Ponude otvaraju se: 24.06.2021 (E enjët) ora 11:00 Vendi i shitjes / Mesto prodaje: Departamenti për Menaxhimin e Mbledhjes së Borxheve.Veternik prapa Albi Mallë ngjitur me Doganë .Rr.Hasan Hasani Nr 40- Prishtinë.

Ponude će se otvoriti po drugi put (2): 24.06.2021 (Çetferakë) u 11:00 Mesto prodaje: Odeljenje za upravljanje naplatom dugova.Veternik iza Albi Mall-a pored Carine, ul. Hasan Hasani br. 40- Prishtina.

Përshkrimi i Pasurisë /Opis imovine: N.P."ACDC-KOS" SH.P.K NF.810511643

- Lokal Afarist me sipërfaqe 117-m<sup>2</sup>-Zona kadastrale-0-71914059-07588-5-11-49-P-2-0 Prishtinë,vendi-Bulevardi i Dëshmorëve të Kombit – Prishtinë.  
lloji i njësisë-Pjesa e Ndërtesës ,Kati P,(Vendi i Quajtura-Kalabria)  
Poslovni prostor površine 117 m<sup>2</sup>-Katastarska zona-0-71914059-07588-5-11-49-P-2-0 Priština, mesto-Bulevar narodnih heroja - Priština.
- Lokal Afarist me sipërfaqe 31 m<sup>2</sup> - Adresa-Bulevardi i Dëshmorëve të Kombit – Prishtinë.Njësia kadastrale -0-71914059-07588-5-1149-P-3-0,Zona katastrele – Prishtinë,lloji i njësisë-Pjesa e Ndërtesës ,Kati P,(Vendi i Quajtura-Kalabria)  
Poslovni prostor površine 31 m<sup>2</sup> - Adresa-Bulevar narodnih heroja - Priština Katastarska jedinica -0-71914059-07588-5-1149-P-3-0, Katastarska zona - Priština, Tip Jedinica - deo zgrade, sprat P, (mesto nazvano-Kalabrija)
- Lokal Afaristë me sipërfaqe 88 m<sup>2</sup>- Adresa-Bulevardi i Dëshmorëve të Kombit – Prishtinë.Njësia kadastrale-071914059-07588-5-1149-P-4-0,Zona kadastrale –Prishtinë,lloji i njësisë- Pjesa e Ndërtesës,Kati P,(Vendi i Quajtura-Kalabria)  
Poslovni prostor površine 88 m<sup>2</sup> - Adresa-Bulevar narodnih heroja - Priština Katastarska jedinica-071914059-07588-5-1149-P-4-0, Katastarska zona-Priština, Tip jedinice- Deo zgrade, sprat P, (mesto nazvano-Kalabrija)

Çmimi fillestarë për Lokalin me numër: 07588-5-11-49-P-2-0 është 2000€ për një metër katrorë

Početna cena za prostor sa brojem: 07588-5-11-49-P-2-0 iznosi 2000 € po kvadratnom metru

Çmimi fillestarë për lokalin me numër:07588-5-1149-P-3-0, është 2000€ për një metër katrorë

Početna cena za restoran sa brojem: 07588-5-1149-P-3-0 iznosi 2000 € po kvadratnom metru

Çmimi fillestarë për Lokalin me numër:07588-5-1149-P-4-0 është 2000€ për një metër katrorë

Početna cena za prostor sa brojem: 07588-5-1149-P-4-0 iznosi 2000 € po kvadratnom metru

Kushtet e pjesëmarrjes: kushti i pjesëmarrjes në ankand, kur kemi shitje të pasurisë së paluajtshme është paradhënia (garancia bankare) në shumën 10% të detyrimeve tatimore të pa paguara të tatimpaguesit. Paraqitja e Ofertave: Të gjitha ofertat qartë duhet të identifikojnë pasurinë e ofruar, shumën e ofertës, emrin, adresën dhe numrin e llogaris bankare të individit apo entitetit që paraqet ofertën, Ofertat duhet të pranohen në pliko (zarf) të mbyllur përpara datës dhe kohës të specifikuar më lartë. /Uslovi učešća: Uslovi učešća u licitaciji, kada se radi e nepokretnoj imovini, je avans (bankarska garancija) u iznosu od 10% neisplaćenih poreskih obaveza poreskog obveznika. Dostavljanje ponuda: Sve ponude jasno identifikuju ponudjenu imovinu, iznos ponude, ime, adresu, i broj bankarskog računa pojedinca ili entiteta koji dostavlja ponudu treba da se primaju u zatvoreni pliko (koverat) pre gore specificiranog datuma i vremena .

Pasuria mund të inspektohet në/ Imovina može da se vidi pregleda u : Čdo dite pune prej orës 9:00 deri 15:00 nga data.15.06.2021 deri më datën 23.06.2021 dhe mund të kontaktoni personat zyrtar në tel mobil: 044-337-880; 044-354-276; 043-877-877/ Svakog radnog dana od 9:00 do 15:00 od 16.06.2021 do 19.06.2021, a službenike možete kontaktirati na mobilni telefon: 044-337-880; 044-354-276; 043-877-877.

Departamenti për Menaxhimin e Mbledhjes së Borxheve-Prishtinë/  
Odeljenje za upravljanje naplate duga-Prishtina

MD-029

Data ;15.06.2021





## ANNOUNCING THE 2017 QUALITY & SALES AWARDS

### Quality & Sales Award Recipients

[Listed in alphabetical order]

- ★ ARC Refreshments Corporation- Antipolo **Philippines**, Quality
- ★ Embotelladora Central S.A **Paraguay**, Quality
- ★ Fabrica de Bebidas Gaseosas Salvavidas S.A. **Guatemala**, Quality
- ★ Fluidi Sh.p.k. **Kosovo**, Quality
- ★ Indústria e Comércio de Bebidas Funada Ltda **Brazil**, Quality
- ★ Interbrand S.A.L. **Lebanon**, Sales
- ★ Kofola ČeskoSlovensko a.s. **Czech Republic**, Quality
- ★ Obi Zulol CJSC **Tajikistan**, Quality
- ★ Partex Sales sales Beverages Ltd. **Bangladesh**, Quality
- ★ Soft Drinks Georgia **Georgia**, Sales

